

АХАД

Манасында
Манасында

84
К4
33
Айрылактын
Көлүш, горлатын кайтуу
Еңес жүгүйтүү
Енни сөрмәймән дөшүү...



АХАД

АНАД МАСЫМ
Сени дүйлаб,
Келласып?
Сени дүйлаб,
Тилласып?

Себсаны
Биссаны
Женсаң
Келсаны

АНАД МАСЫМ
Кимницир
Сөзинчө жыл
Сарсус жыл
Үйнэс анык

АНАД МАСЫМ
Сүзинчи
Бизники
Сүзла ышы
Бизларга

Соши
Бахор
Себин
Жиңде

АНАД МАСЫМ
Ман, яна
Себиб қол
Бир сени
Факат ёшы

Мем дүрүп
Күзлары
Ме дағы
Малое
Багыт
Бирла
Онела
Фарш

АҲАД ҚАЮМ

ЯНА СОҒИНДИМ, ЯНА...

Шеърлар ва қўшиқлар

ADABIYOT VA SAN'ATGA
IXLOSMAND YOSHLAR
UCHUN
PRODYUSERLIK
MARKAZI

tel.: +(998 97) 425 05 65
+(998 71) 242 58 21
+(998 97) 744 45 50
+(998 94) 487 88 88
+(998 97) 718 98 38
e-mail: ahad-qayum@mail.ru



AHAD QAYUM
ijodiyot MARKAZI

“БУХОРО” НАШРИЁТИ — 2010 йил.

Nizomiy nashriyoti
T D P
kutubxonasi

Аҳад ҚАЮМ 1987 йил 15 июнда Бухоро вилояти Шоғиркон тумани Денов қишлоғида туғилган. 2004-2008 йилларда Тошкент Давлат Ахборот Технологиялари Университетида таҳсил олган. Шу билан биргаликда “Мұхаммад Юсуф” номидаги адабий ижтимоий фонд қошида “Олтин Қалам” газетасида мұхаррир ўринбосари вазифасида ишлаб, бадиий ижод билан шуғулланған. Аҳад Қаюмнинг қатор шеърлари таниқли қўшиқчилар томонидан куйлаб келинмоқда. Аҳад Қаюм “Шу Ватан” қўшиғи учун Ўзбекистон Республикаси Қуролли Кучларининг маҳсус сертификати билан тақдирланған. У “Жийда гули” телесериали учун ёзилган маҳсус шеърлар ва қўшиқларнинг, шунингдек 2010 йилдаги темирийўлчилар мадхиясининг ҳам муаллифи. “Яна соғиндим, яна” қўшиғи 2009 йилда “энг яхши соғинч ҳақидағи қўшиқ” ва “йилнинг энг хит таронаси” деб эътироф этилган.

Хозирда у Мусахон Нурматов, Азиз Ҳудойқулов, Нодир Арақулов, Нодир Умаров, Озодбек Назарбеков, Абдуҳошим Исмоилов, Зулайҳо Бойхонова, Мансурхон Нурматов, Ботир Қодиров, Хуршид Расулов, Ғуломжон Ёқубов, Ғиёс Бойтоев, Дилшод Раҳмонов, Дилдора Ниёзова, Анвар Ғаниев, Анвар Санаев, Анвар Собиров, “Сарбон” гуруҳи, Шуҳрат Қаюмов, Ўлмас Оллоберганов, Сойиб Ниёзов, Сардор Раҳимхон, Алишер Файз, Анор Назаров, Дилором Омонулаева, Шерали Жўраев, Шоҳжаҳон Жўраев, Зоҳиршоҳ Жўраев, Сарвара, Ойбек Ҳамроқулов, Отабек Раҳим, Баҳром Назаров, Жасур Умиров, Элдорбек, Мурод Манзур, Раҳматулла Раупов, Юнусбек Юсуф, Фазлиiddин Раҳмон, Фарҳод Файз, Наргис, Афсона, Шоҳруҳхон, Сирожиддин, Рухшона Далер, “Уммон” гуруҳи, “Парвоз” гуруҳи, Ўқтам Мирзо, Муроджон Сойибназаров каби санъаткорлар билан доимий ижодий ҳамкорликда. Аҳад Қаюм бугунги кунда ижодини актёрлик ва қўшиқчиликда давом эттироқда. У “Ҳаёт жилғалари”да Дамин, “Девона фаришта”да куёв, “Жийда гули”да Аҳад Қаюм, “Танго ёхуд адашган совчилар”да Рустам, “Юз кун” фильмларида дўст образларини талқин этди. Қолаверса, “Жийда гули”, “Бегубор орзуларим”, “Девона фаришта”, “Умид”, “Сабоқ”, “Дада”, “Сароб”, “Танго ёхуд адашган совчилар”, “Фармацевт” фильмлари учун ёзилган маҳсус қўшиқ (саундтрек)ларнинг ҳам матни муаллифи.

2010 йилдан адабиёт ва санъатга ихлосманд ёшларни қўллаб-куватлаш мақсадида ташкил этилган “Аҳад Қаюм ижоди” продюссерлик марказининг раҳбари сифатида фаолият олиб бормоқда.

Ижодкорнинг ушбу китоб номи билан аталган овозли аудиотўплами мухлисларга тақдим этилган. Шоирнинг кўнгил маҳзанидан чиққан мисралари ҳар қандай ўкувчини ўйга солади, қувонтиради, қалбининг энг нозик жойларини чертиб ўтади. Ўкувчи беихтиёр шоир ташвиш-у изтиробларига шерик бўлади. Ижодкорнинг юзлаб ижод намуналари ичидан саралаб олинган ушбу гулдастаси Сиз азиз китобхонни ҳам бефарқ қолдирмайди, деган умиддамиз...

ЯНА СОГИНДИМ, ЯНА...

Кече бағримда эдинг,
Бугун олиссан мана.
Нечун йироклаб кетдинг,
Яна соғиндим, яна.

Сир айтаман армонга,
Гул тутаман хижронга,
Термуламан осмонга,
Яна соғиндим, яна.

Ёрингман де суй мани,
Дийдоримга түй мани,
Кечирмайман дейман-у,
Яна соғиндим, яна.

Жодули күзларингни,
Мехрли сўзларингни,
Ширин нафасларингни,
Яна соғиндим, яна.

Нурсиз кунга ўхшайман,
Ойсиз тунга ўхшайман,
Сенсиз қандай яшайман,
Яна соғиндим, яна.

Үтмайди ҳеч кун-сана,
Хотиранг қилас таъна,
Юрак бўлди ғамхона,
Яна соғиндим, яна.

Илк бора Аҳад Қаюм
Кўз ёш тўймоқда гулим,
Сенدادир ҳамон кўнглим,
Яна соғиндим, яна.

Сир айтаман армонга,
Май тутаман хижронга,
Термуламан осмонга,
Яна соғиндим, яна...

09.11.2008 йил

МАН, ЯНА МАН...

Ким мен деб йиглади, кимдир кечирди,
Кимнинг дарди менга оғу ичирди,
Кимдир юрагидан бутқул ўчириди,
Охир ҳаммасига бир-бир кўндим ман,
Бир сени ўйласам, фақат ёндим ман.

Юракка нимадир ботиб бормоқда,
Аламлар қатма-қат ортиб бормоқда,
Бориб-бориб бағрим қотиб қолмоқда,
Хаттоки дунёдан, совиб қолдим ман,
Бир сени ўйласам, фақат ёндим ман.

Кўнглим чинор каби куйиб қолибди,
Ишқ дарди ичимни ўйиб олибди,
Тагидан янги бир ниҳол унибди,
Япроқларин силаб синик қулдим ман,
Бир сени ўйласам, фақат ёндим ман.

Келиб кўр кўксимда нишлар изи бор,
Тилларим учиди тишлар изи бор,
Елкамда иккита қушлар изи бор,
Күш эдим қайларга билмай қўндим ман,
Бир сени ўйласам, фақат ёндим ман.

Бунақа дард билан яшаб бўлмайди,
Юряпман, бир жойда тўхтаб бўлмайди,
Аввалги Аҳадга ўхшаб бўлмайди,
Ҳамма жароҳатим бир-бир кўмдим ман,
Бир сени ўйласам, фақат ёндим ман.

Ман,
наҳот яна ман,
севиб қолдим ман...

5.06.2009 йил.

Камми-кўпми яшадим эй дўст,
Кўп ишларга балки улгурдим.
Ҳар кун тонгда ўйлайман ҳануз,
Бугун балки охирги куним.

Эртага ҳам режам кўп гарчи,
Армонларим кўпи бирламчи,
Ажал ногоҳ тортади қамчи,
Бугун балки охирги куним.

Сўзим эшиш сирдошим соат,
Ёниб-ўчар онмиз омонат,
Балки эрта бўлар қиёмат,
Бугун балки охирги куним.

Дуо килинг мени онажон,
Юраккинам оғрир чалажон,
Кетсам, рози бўлинг дадажон,
Бугун балки охирги куним.

Хафа бўлма мендан дўстгинам,
Сени билмай ранжитган бўлсам,
Ортимдан тош отмагин ўлсам,
Бугун балки охирги куним.

Ижодим деб, бахтимдан кечдим,
Қанча йиллар захрини ичдим,
Бир шам каби ёндим-у ўчдим,
Бугун балки охирги куним.

Бугун балки охирги куним,
Соғинаман сингилларимни.
Бир меҳрибон акадай бўлиб,
Ололмадим қўнгилларини.

Тошдан баттар экансан қўнглим,
Нима десанг барига қўндим,
Севги дединг, севдим ўйламай,
Ишқ дардига энди тушундим...

Қалбим ичра минг битта тилак,
Умр оқар, тилимда эртак,
Бунчаларам ҳовликдинг юрак,
Бугун балки охирги куним.

18.01.2010й.

ЭЙ ДҮСТ!

Туғилмок, яшамок ҳар бир бошда бор,
Кимларга омад ёр, кимлар баҳтга зор,
Кимнингдир гул умри сўлганда бекор,
Ўйла, бу умринг савдосин эй дўст,
Тингла бу кўнгилнинг садосин эй дўст.

Эй дўст, яхшиликни умри узоқдур,
Ёмоннинг ҳар босган изи тузоқдур,
Ёлғончилик недур, охири чоҳдур,
Олгин ота-онанг дуосин эй дўст,
Хато ёзма кўнгил иншосин эй дўст.

Баҳтнинг илдизи бу сабр дегани,
Эй дўст бесабрлик жабр дегани,
Яхшилик охири қадр дегани,
Тушун, зарҳикматлар маъносин эй дўст,
Кўтарма нодонлар ғавғосин эй дўст.

Севгини рад этмоқ гуноҳдир азал,
Ўзга юрт ватандан бўлолмас авзал,
Энг аввал дилхонанг безаттин гўзал,
Топгайсан ҳар дарднинг давосин эй дўст,
Қилмагин буюклик даъвосин эй дўст.

Атрофга бок, сендан пастроқларам кўп,
Душманлар ичидан дўстроқларам кўп,
Гулзорлар ичинда тузоқларам кўп,
Оларсан роҳатлар жазосин эй дўст,
Орттирма жонингни жафосин эй дўст.

Сен учун Аҳаддан шарҳи насиҳат,
Бир яхши, бир куни ёмон вазият,
Бир куни чекмайин десанг азият,
Танигин оламлар подшосин эй дўст,
Қилмагин гумроҳлар хатосин эй дўст.

Эй дўст, яхшиликни умри узоқдур,
Ёмоннинг ҳар босган изи тузоқдур,
Ёлғончилик недур, охири чоҳдур,
Олгин ота-онанг дуосин эй дўст,
Хато ёзма кўнгил иншосин эй дўст.

ҚАДАМЛАР ҲИКМАТИ...

Холис ҳукм сари бу умр карвон,
Қалбим нигохлари олисни кўзлар.
Кўзларим умидда, йўлларим равон,
Қадамлар ҳикматин ўйлайман дўстлар.

Йиғладим, оқибат остонасида,
Киролмай муҳаббат кошонасига,
Сонсиз гуноҳларнинг вайронасида,
Қадамлар ҳикматин ўйлайман дўстлар.

Бу дунёда ҳар ким бир йўл излайди,
Кимдир пул, кимлардир кўнгил излайди,
Кимдир ғамноқ, кимдир баҳтдан сўзлайди,
Қадамлар ҳикматин ўйлайман дўстлар.

Ёвга инсоф тилаб, дўстга ярасам,
Ҳақдан янги кунга мазмун сўрасам,
Дилимда минг афсус ортга қарасам,
Қадамлар ҳикматин ўйлайман дўстлар.

Қай бир қадам менга омад келтирди,
Қай бир қадам менга қулфат келтирди,
Гоҳ олдимда минглаб ёлғон йўл турди,
Қадамлар ҳикматин ўйлайман дўстлар.

Кўзгуга тикилиб, кўзимга боқсан,
Ўзимни излайман, ўзимга боқсан,
Наҳот шу мен дейман изимга боқсан,
Қадамлар ҳикматин ўйлайман дўстлар.

Юрак амри билан ақл чалкашди,
Оёқ эса аросатда адашди,
Ким молим, ким жонимга кўз қадашди,
Қадамлар ҳикматин ўйлайман дўстлар.

Ватанда азиздур, ҳар бир қарич ер,
Кимдир шу тупроқдан ҳаром ҳариж ер,
Ҳали манзилгача бордир қанча йўл,
Қадамлар ҳикматин ўйлайман дўстлар.

17.01.2010й

ОҚИБАТ

Ота бўлмай, тушунмайсан отангни,
Она бўлмай, тушунмайсан онангни.
Ҳаволарга сарф этмайин қучингни,
Адо этгин, сен фарзандлик бурчингни.
Сен ёлғончи ялдоларга учмагин,
Молу дунё, тиллоларга учмагин.
Сенга ёрдам бергай рўзи охират,
Оқибатдир, оқибатдир, оқибат.
Онанг пойин бир бор тавоф айласанг,
Шу амал деб не тонг жаннатга тушсанг.
Агар бугун хабар олсанг отангдан,
Бу яхшилик эрта қайтар болангдан.
Савобларга тўлсин десанг гар рўзим,
Оқибатнинг жиловин қўйма дўстим.

27.12.2009й.

ОРЗУ

Отам, онам билан танишганида,
Тақдирин бирга ҳал қилишганида,
Ният қилганида гар ўғил кўрсак,
Шоир қиласиз деб келишганида.

Камида Навоий бўлардим бугун,
Ўрнига чиқардим балким Пушкинни,
Мен майдонга чиқсан адабиёт, фан,
Дунё тан олмасди мендек ҳеч кимни.

21.04.2009 йил

Мабодо мен рассом бўлсайдим агар,
Шундай бир антиқа сурат чизардим:
Тасвирда дараҳтлар пинҳон сўзлашар,
Кушларнинг нафасин унда сезардим.

Ҳайкалтарош уста бўлсайдим агар,
Шундай бир хурлиқо сиймо ўярдим,
Мафтун бўлмасин деб ошиқ телбавор,

Ёнига жуфтини ясаб қўярдим.
Ёинки бастакор ҳофиз бўлсан хам,
Оlamда ягона яратардим куй,
Ором олар эди тинглаган одам.
Илдизлар қўшилиб қилармиди тўй...

О, дўстлар, мабодо бўлсайдим табиб,
Беморлар дардига топардим даво,
Бутун дунё кезиб, излаб-ахтариб,
Жонимга атардим энг тансиқ ҳаво.

Афсус, энди бунинг энди иложи йўқдир,
Табиат қилибди менда моҳирлик,
Майли, нима дердим, бу ҳукми тақдир,
Менга насиб бўлди касби шоирлик.

Айтмангким, шоирда юмуш йўқми деб,
Бунда хам мен сизга килурман ваъда,
Шундай шеър битайки, сиз уни ўқиб,
Ҳаётга талпининг, дўстлар, янада...

06.11.2007й.

Мен аслида нима топдим шу,
Икки сатр ноламдан бошка,
Юрагимга из солган қайгу,
Дил ўртаган аламдан бошка.

Дўст сўзини таҳлил этмоққа,
Ғанимларим бердилар кўмак.
Оқни оқ деб аниқ айтмоққа,
Керак экан қора ҳам демак.
«Афсус қадам босганман эгри»,
Бундай ҳислар кўхна ва қадим.
Билмадим қай аъмолим тўғри,
Хатоларим кечроқ англадим.

Баъзан дейман мен кимман ўзи,
Яшамоқдан борми мақсадим?
Захмат тотсам вақт ўзи қози,
Уни ажримчи деб атадим.
Кузатсам гар зимдан мухитни,
Айбим аниқ кўринар шу он.
Мезонталаш фаросат дидни,
Танқид этмоқ ҳаммадан осон.

Етар, юрак чиранмокни қўй,
Ким тингларди ахир додингни.
Эрк ҳақида сургунингча ўй,
Жоним асра бор бисотингни.

Тушунгинда одамни сен ҳам,
Танлаб бўлмас қараб кўз қошга.
Айт не қиласай йўқлаб келса ғам,
Дўст топмасам қаламдан бошқа.....

31.10.2007йил.

Соат тинмай чиқиллар,
Юрак тинмай дукиллар.

Уйғотмоқда вақт мени,
Уйғотмоқда Ҳақ мени.

Қулогим шангий бошлар,
Ақлим ҳам гангий бошлар.

Босар нохуш ваҳима,
Роҳатга – дард жарима.

Ичим армонга тўлди,
Кўзларим қонга тўлди.

Кутмай қўйдим ўлимни,
Ундан ювдим қўлимни...

Соатнинг ўз занги бор,
Юракнинг ўз бонги бор.

Иккови галма-галдан,
Ўчин олади мандан...

22.07.2009 йил

Ҳаммаси яхшийди, дунё тинч эди,
Эй воҳ, токи СИЗни учратмагунча,
Ҳаммаси яхшийди, дунё тинч эди,
Дунё иккимизни ажратмагунча...

Буни ҳеч ким сезмади бироқ...

20.07.2009 йил

Севги шундай туйгуки,
Үз ўтингда ёнасан,
Севги шундай орзуки,
Тушингга ишонасан.

Севги шундай уйқуки,
Лаҳзада уйғонасан,
Севги шундай ёғдуки,
Хаёлга парвонасан.

Севги шундай кулгуки,
Яйрайсан, қувонасан,
Севги шундай қайғуки,
Дунёдан бегонасан.

Севги шундай мангүки,
Оламга афсонасан,
Севги шундай құрқувки,
Йүқтотсанг вайронасан.

Севги шундай оғуки,
Аҳад, ичсанг қонасан,
Севги шундай чолғуки,
Висол куйин чаласан.

24.07.2008 иил.

Пойингизда хор бўлган,
Бағрингизда тор бўлган,
Мехрингизга зор бўлган,
У менинг қалбим эди.

Арzonларга сотдингиз,
Бозорларда тортдиндиз,
Яна тошлар отдингиз,
У менинг қадрим эди.

Ёлғонларга алмашган,
Севаман деб алдашган,
Сизни танлаб адашган,
У менинг баҳтим эди.

Фалакларга сачради,
Ёмонлардан чарчади,
Мудом сизга учради,
У менинг дардим эди.

Юрак қонимдан тушган,
Кейин дилларни қучган,
Құлларимдан сув ичган,
У менинг сатрим эди.

Ошиқ Аҳад күз илган,
Аввал ҳам күп қазилган,
Мұхаббат деб ёзилган,
У менинг қабрим эди.

15.01.2009й.

Қизғалдоққа айлансайдим қизғалдоққа,
Ёқармидим балким сендеқ қизалоққа,
Маҳкам қучиб, маҳкам қучиб аспар эдинг,
Мени ташлаб кетмас эдинг ҳеч қаёққа.

Қани энди құлларингда узук бўлсам,
Пешонангда ялтираган ёзиқ бўлсам,
Ҳеч бўлмаса айлансайдим бармоғингга,
Кулганингда лабларингни тўсиб турсам.
Мендан кўра баҳтлироқдир лаб бўёғинг,
Ҳар кун, ҳар кун сочинг силар ул тароғинг,
Мендан кўра кўпроқ меҳринг кўзгу олган,
Мендан кўра меҳринг олган тош тирноғинг.

Хаёлингга айлансайдим хаёлингга,
Ўшал онда етар эдим висолингга,
Севаман деб юз бор айтинг Аҳадга деб,
Минг бор буйруқ берар эдим томоғингга.
Армон экан, бу ҳам битта армон экан,
Суйганингга етолмасанг ёмон экан...

27.03.2009 йил

Назаримда Нилуфар

Нозик Навниҳолдексан,

Назокатинг Нақшида

Найсон, Навбаҳордексан.

Нигоҳларинг Нурафшон

Нихоят Ниҳон Неъмат,

Наргисдан-да Наврастা

Нафаси Наҳордексан.

Қизиқ, соғинчнинг ҳам ҳиди бўларкан,
Кўнгилнинг фаросат диди бўларкан,
ЮРАК билан АҚЛ уришиб қолса,
Ҳар оқшом ХАЁЛда СУДи бўларкан.

Омаднинг қулфию, коди бўларкан,
Орзу ҳавасларнинг ОТИ бўларкан,
Кўксимда СЕВГИнинг етим боласи-
Демак АРМОНнинг ҳам зоти бўларкан.

2.05.2009 йил.

Кута –Кута Кўнди Кўнгил Келмандингиз,
Куя-Куя Кўпайди Кул Келмандингиз,
Кабутардек Кўкка Кўчиб Кетаяпман,
Кудурат Комидан Кечиб Кетаяпман,
Кулиб-Кулиб Киролмайман Кўчангизга,
Кўринолмам Кўркам Кундуз-Кечангизга.
Кўзимдаги Кўзбойлогич Камар Каби,
Куйларимда Каломдирсиз Кадар Каби.
Кетдингиз-у Кузлар Келди, Кузлар Келди,
Кимлар Кетиб, Кимлар Келар Кезлар Келди.
Куйдирганим Куюнмангиз Кечирганман,
Кузларимни Кўкламларга Кўчирганман.

Соғинчимнинг ниҳояси йўқ,
Шириң жонни қийнаб юрибман,
Дилим чўккан, маюс ва синик,
Сен ҳақингда ўйлаб юрибман.
Не қилай айт бундай чоғларда,
Юрак тўлган қора доғлардан,
Ҳасрат сочиб хазобоғларда,
Сен ҳақингда ўйлаб юрибман.

Беморман, ёлғизман, танҳоман,
Савдои ошиқман шайдоман,
Ўз қасримга сиғмаган султон,
Ўз хожаси безор гадоман.

Маҳзун оҳанглардан чарчаган юрак,
Қонлари фалакка сачраган юрак,
Бедаво бир дардга учраган юрак,
Уни яна қайраб юрибман.

Кўнгил хеч азобга кўнмайди,
Минг ўқсиб йифлайди, тинмайди,
Ишларим юришмас унмайди,
Эгилсамда синмай юрибман.

Тўлдирай деб турмуш камини,
Пинҳон тутиб кўзнинг намини,
Четга суриб башар ғамини,
Тил учида сайраб юрибман.

Эй толеъ юлдузим қайдасан,
Айт қачон ўзимга қайтасан,
Бунчалар кичкина майдасан,
Хаёлимни чайнаб юрибман.

Зарб ила тортилган асаблар,
Ўтларга йўналган ғазаблар,
Ким сени бунчалар азоблар,
Шайтонларни сийлаб юрибман.

Куймоқда тан-у жон, забоним,
Ўзига қасдлашган замоним,
Тўсик-ку тўрттала томоним,
Мен нимага яйраб юрибман.

Бир зум юриб, бир зумга тўхтаб,
Яшасамда азобда қақшаб,
Ўзим билган Аҳадга ўхшаб,
Фақат сени излаб юрибман.

19.07.2008 ийл

Дардим ҳам сен, табибим ҳам сен,
Ағёрим ҳам, ҳабибим ҳам сен,
Қисматимда битган тақдирим,
Дўстим ҳам сен, рақибим ҳам сен.

Яхшим ўзинг, ёмоним ўзинг,
Орзум ўзинг, армоним ўзинг,
Ўзингдурсан тўртта томоним,
Ростим ўзинг, ёлғоним ўзинг.

Сени ўйлаб аросатдаман,
Үз-ўзимга рақобатдаман,
На уйқу, на ором билайнин,
На шахду, на маҳоратдаман.

Тенгим ҳам сен, тенгсизим ҳам сен,
Шукрим ҳам сен, афсусим ҳам сен,
Йўқлик дейми, сени борликми,
Саҳром ҳам сен, денгизим ҳам сен.

18.11.2009й

Чукурлашиб кетдим ўзимга ўзим,
Хаёлим тилимда чайналиб кетди.
Юрагим ақлимга айтолмай сўзин,
Қийналиб,
Қийналиб,
Қийналиб кетди . . .

Йигирманчи аср йиғлар пойимда,
Бизни қутқар дейди минглаб даҳолар,
Энг зўр гоялар ҳам бугун уйимда,
Шеъларимни ўқиб қўяр баҳолар.

Менга устозимни гийбат қилишиб,
Устозимдан менинг нархим сўрарлар.
Кимнидир кўлида писта бўлишди,
Биз қуёшмиз деган кунгабоқарлар.
Қўрқаман,
Ҳақиқий ўйин олдинда,
Кимдир, мени зимдан синаётгандек.
Кимгадир дўстман деб кўлим узатсан,
Шошма деб оёғим йиғлаётгандек.
Мени тинч қўйинглар,
Сизга керакман,
Лойқаланган сувда юзингиз ювманг.
Баҳорда булбулни йиғлатиб қўйиб,
Илтимос, тулкининг ортидан қувманг.

Ҳали айтиб ўтдим,
сизга керакман,
Бироз сабр қилинг сўзимни топай.
Сизнинг болангизга ҳақни ўргатиб,
Бобонгизни очик кўзларин ёпай.

Менинг санътимни савдо қилганлар,
Эртага отасин нархин талашар.

Менинг хаёлимни лойқалатганлар,
Эртага балчиқдан хамён излашар.

Чукурлашиб кетдим . . .

Ортимдан келманг!

Мен бошлаган ўйин СИЗга – қимормас.

9.03.2009 йил

Шеър экан деб ҳамма гапни ёзаверсанг,
Тилла бор деб ҳамма жойни қазаверсанг,
Йўқ пулингга йўқ режалар тузаверсанг,
Қураман деб борини ҳам бузаверсанг.

Яшайман деб, нафасингни бўғиб қўйма,
Қадр сўраб бор обрўйинг тўкиб қўйма,
Замон қизиқ билмасдан ҳам сўкиб қўйма,
Сув йўқ жойда атиргулни экиб қўйма . . .

15.03.2009 йил

Олтин деб олганим мис бўлиб чиқди,
Баҳор деб борганим куз бўлиб чиқди,
Эккан ниҳолларим хас бўлиб чиқди,
Фалакнинг тескари боққанин қаранг,
Душман деб билганим дўст бўлиб чиқди.

Дўстимсан деганим ўғрикўз чиқди,
Фирибгар деганим тўғрисўз чиқди,
Мардлигин мақтаган беномус чиқди,
Битта қиз юз бурди кечча севгимдан,
Бугун рўпарамдан қирқта қиз чиқди.

23.03.2009 йил

Хаммасига . . .

Хаммасига чидайман . . .

Умрим ўтиб кетсин ёмғир остида,
Юлдуз нималигин майли унутай,
Булутлар уюми бошимда турсин,
Күёшнинг исмини майли эшитмай.

Тушимда ҳам кўрмай ойнинг рухсорин,
Нафасимдан зулмат шарпаси келсин,
Кўзларимда синсин умид учқуни,
Юрагимда армон денгиздай тўлсин . . .

Изтироб,

Изтироб,

Фақат изтироб,

Тиканлар устидан юрарман гулдек.

Илонни булбулдек ошно этарман,

Кулларга эхтиром этурман қулдек.

Майдонларда асло,

Асло кўринмам,

Ҳеч ким учратмайди мени шаҳарда.

Сир,

Сир,

Сир,

Фақат сир . . .

Дунёйим ичра,

Нонушта қилурман ҳар тонг заҳардан.

Фақат . . .

Фақат сен . . .

Сен кечирдим десанг . . .


9.03.2009 йил

Сени ўйлаб, кўзга уйку,

Келмасми?

Сени ўйлаб, дилда қайғу-

Тинмасми?



931262

Балодан чиқмаса бошим,
Чидолмаса гар бардошим,
Гамли куним, ҳасратдошим,
Сенмасми?

Хато қилсам, чиқса жаҳлинг,
Юрагингга қарши ақлинг,
Мени ўйлаб, сенинг қалбинг,
Ёнмасми?

Ярим ой бир кун тўлмасми,
Айрилик кўксим тилмасми,
Бахт топмасак, дўсту душман,
Кулмасми?

Сени ўйлаб, кўзга уйқу,
Келмасми?...

25.02.2010й.

Сизнинг юрак-юрагу, бизники юракмасми,
Сизга висол керагу, бизларга керакмасми,
Сиз мисли маликадек, шаҳзодангиз кутсангиз,
Орзуйингиз осмону, бизники тилакмасми?

Анор пишди ёрилди, тўкилди доналари,
Сизни кутиб кўнглимнинг совиди хоналари,
Тўртта фаслим куз бўлди, кўзларим сизсиз сўнди,
Япроқдек тўкилади, тақвимнинг саналари.

Тунларим узун-узун, кунларим маҳзун-маҳзун,
Келмайсиз нечун-нечун, саволлар тугун-тугун,
Турмуш ўтар ғилдирак, хаёт оқар чархпалак,
Кўзларим мафтун-мафтун, сўзларим Мажнун-Мажнун.

Излаб борсам ким деманг, сўзлаб борсам жим деманг,
Кундуз борсам кун деманг, оқшом борсам тун деманг,
Аҳад кўнгли хатоми, севган дилга жазоми,
Ўзгасини танлайвер, менсизликка кўн деманг.

16.09.2009 йил

Кулишимни соғинди кимлар,
Сўлишимни соғинди кимлар.
Ёнишимни кутганлар ҳам бор,
Синишимни соғинди кимлар...

Дўстингман деб чоҳ қаздилар, ох-
Мен у чоҳга сифмадим бироқ.
Гоҳо аёл макрига учдим,
Гоҳ кўнгилнинг оғусин ичдим...

Эгик бошим соғинди кимлар,
Кўзда ёшим соғинди кимлар.
Ўлишимни кутганлар ҳам бор,
Тўлишимни соғинди кимлар.

Фоний дунё ҳавасидан кеч,
Ёлғонларнинг ҳаммасидан кеч.
Пул, аёллар кўнгилхушликлар,
Тириклиайн гўрингга тиқар.

Олдиндадир ҳали чин-ҳазил,
Олдиндадир ҳали йўл-манзил.
Айтишимни кутганлар ҳам бор,
Қайтишимни соғинди кимлар.

Ака-ука қариндошдан гоҳ,
Бегоналар келади мардрок,
Севишимни кутганларам бор,
Совишимни соғинди кимлар.

Аҳад Қаюм ижод йўлида,
Яхши ният туккан дилига,
Ўлишимни кутганларам бор,
Синишимни соғинди кимлар.
Тинишимни соғинди кимлар...

28.02.2010й.

Кимнидир севгандисан,
Софиниб кутгандисан,
Сенсиз яшолмайман деб,
Үзига айтгандисан?

Кимнидир севгандисан,
Хажрида күйгандисан,
Ошиқликни дарди-ю,
Азобин ютгандисан?

Кимнидир севгандисан,
Қалбингни бергандисан,
Ишқ бөғидан гул узиб,
Гунчалар тергандисан?

Кимнидир севгандисан,
Бағрида күлгандисан,
Ёлғиз вафодорингни,
Үзинг танлагандисан?

Кимнидир севгандисан,
Ёки севилгандисан,
Севгилинг нигоҳидан,
Дардини сезгандисан?

Кимнидир севгандисан,
Уни излагандисан,
Бир лаҳза унугомай,
Девона бўлгандисан?

Кимнидир севгандисан,
Ахаддек ёнгандисан,
Юрагингни сўзига-
Бир бор ишонгандисан?

19.07.2009 йил

Қалбимдаги муҳаббат,
Бир қизга аталгандир,
Шу очик икки кўзим,
Бир унга қадалгандир.

Юрагимни юлсангиз,
Кечмагайман ундан ман,
Бошқасин севмасмикин,
Кўрқаяпман шундан ман.

Сенинг ишқингда жон сарак,
Девонаман, девонаман.
Васлингга етолмай ҳалак,
Гирёнаман, гирёнаман.

Нозларингни адойиман,
Жамолингни шайдойиман.
Эл ичра бир савдойиман,
Афсонаман, афсонаман.

Дилимни боғлаб дилингга,
Айландим ошиқ қулингга.
Охларим тўкиб йўлингга,
Вайронаман, вайронаман.

Азобларинг туйиб-туйиб,
Ҳижронингда куйиб-куйиб.
Не кўрдим айт суйиб-суйиб,
Ҳайронаман, ҳайронаман.

Ашкимни тўкиб ёнаман,
Нечун сендан бегонаман.
Хаёлингга парвонаман,
Тўлғонаман, тўлғонаман.

Ахад сени кутар ёрим,
Келгин жоним, интизорим.
Сен учун куйлади торим,
Ишонаман, ишонаман.

2.09.2008 йил

АДО ҚИЛДИНГ

Ишқингдан сармаст жонимни,
Адо қилдинг, адо қилдинг.
Куйдириб хонумонимни,
Гадо қилдинг, гадо қилдинг.

Қай кун дилга келиб офат,
Кетди тоқат, йук фароғат,
Хаёли васлингдек одат,
Ато қилдинг, ато қилдинг.

Жамолингни этсам орзу,
Нечун жонга солдинг оғу,
Билсанг эй кўзлари оҳу,
Хато қилдинг, хато қилдинг.

Хато қилдинг, йўл тутарга,
Минг қошиб ғанимларга,
Чин севгингни айт кимларга,
Фидо қилдинг, фидо қилдинг.

Айтсам ҳасратим узундир,
Шундан куйларим маҳзундир,
Парво ҳам этмай нечундир,
Видо қилдинг, видо қилдинг.

Насибаи тақдир экан,
Кимгадир гул, кимга тикан,
Ки оҳимга жабр билан,
Нидо қилдинг, нидо қилдинг.

Нетай кўнгил йиглар бу дам,
Васли умид алам, алам
Шундан ошиқ Аҳадни ҳам,
Жудо қилдинг, жудо қилдинг.

14.11.2007й.

Ёт қўйнида ётар дилхуш,
Бевафодур, бевафодур.
Шоҳдан шоҳга сакраган қуш,
Бедаводур, бедаводур.

Дон сочсанг бас куйлар санга,
Дон бўлмаса ташла танга,
Ўйнайверар чилдирмангга,
Бенаводур, бенаводур.
Минг қошиб кўз сузади,
Авраш чорасин тузади,
Макри, шайтондан ўзади,
Беадодур, беаододур.

Танламас у бирор бир ёр,
Ҳар тусга кирмоққа тайёр,
Буқаламун унга бекор,
Бехудодур, бехудодур.

Нопоклик кўп аъмолида,
Тўзғир замон шамолида,
Аммо ўзин хаёлида,
Бебаҳодур, бебаҳодур...

Билгани шу фоний сафо,
Орттирар жонига жафо,
Не деб сўрсанг аҳд-у вафо,
Бесадодур, бесадодур.

Дарс бўлсин шу ҳаммамизга,
Дили хушёр ўғил-қизга,
Бундай ишни Аҳад сизга,
Бераводур, бераводур.

16.11.2007йил.

ДИЛИМ

Дилим-дарё, ундан фақат сен оқасан,
Дилим-юлдуз, унга фақат сен боқасан,
Дилим-узук, уни фақат сен тақасан,
Дилим-бемор, дардин фақат сен топасан.

Дилим-тушдир уни ўзинг уйғотасан,
Дилим-уфқдир қуёшдек келиб ботасан,
Дилим-нурдир сен янада ёритасан,
Дилим-хурдир, унинг жуфти фариштасан.

Дилим-тоғдир, юксакларга қаратасан,
Дилим-булут, ёмғирларнинг юридасан,
Дилим-гулдир, гулғунчанинг кафтидасан,
Дилим-чўғдир, муҳаббатнинг тафтидасан.

Дилим-ошиқ, шом-у сахар тилидасан,
Дилим-шоир, ҳар бир ёзган сатридасан,
Дилим-денгиз, уммонларнинг қаъридасан,
Дилим-баҳор, сен кўкламнинг бағридасан...

01.09.2009 йил

АЙТОЛМАДИМ

Севишга севдим-у дўстлар, севаман деб айтолмадим,
Сен учун жонимни ҳам бераман деб айтолмадим.

Айтолмадим ошиқлигим, мухаббатга лойиқлигим,
Ёниб буткул кул бўлдим-у, куман деб айтолмадим.

Кўрсам тилим айланмасди, юрагим тез уриб тинмади,
Тушларимда сени ҳар кун кўраман деб айтолмадим.

Тушунинг ўн беш ёшимда, бу савдо тушди бошимга,
Ҳаётимни сенсиз қандай қураман деб айтолмадим.

Ёнида соғиниб туриб, олисда оғриниб туриб,
Мени ташлаб кетсанг бир зум ўламан деб айтолмадим.

Қайтолмадим йўлимдан ҳам, ушломадим
кўлидан ҳам,
Менда кўнглинг борлигини биламан деб айтолмадим.

Яширдим дилда рашкимни, пинҳона тутдим ишқимни,
Фақат бир сени севгингни кутаман деб айтолмадим.

Кетиб қолдим олисларга, бир сўз демай ул дилбарга,
Мени кутсанг албатта мен келаман деб айтолмадим.

Сотилма совчиларингга, алданма ошиқларингга,
Уларнинг ёлғончилигин сезаман деб айтолмадим.

Севишини билар эдим, нега бирор сўз демадим,
Ёнингда мен бутун умр қоламан деб айтолмадим.

Ёнар Аҳад, куяр Аҳад, пушаймони қават-қават,
Дардларингни айтгин гулим оламан деб айтолмадим.

13-14.07.2009 йил

СЕВГИ ИЗҲОРИ!

Бугун мафтункорсан ҳар дойимгидан,
Бу мафтункор кўзлар, мафтункор чехранг,
Жоним бетакрорсан ҳар дойимгидан,
Бори гўзаллигинг бетакрор билсанг.

Сени кўрса агар мабодо Мажнун,
Лайлинни бутунлай унутар эди.

Сени учратганда Фарҳод ҳам дилхун,
Ширинни эсламай сени кутарди.

Отабек Кумушнинг ҳажрида ёнмай,
Юсуф – Зулайҳони эсламас эди.

Алпомиш Барчиной томонга бормай,
Сендан ўзгасини изламас эди.

Гўзаллик сиймосини ахтарган заҳот,
Ёнингга шошарди бўлганда Пушкин.
Ўзбек қизга қаранг наҳот, деб наҳот,
Қайтиб кетмас эди буюк Есенин!

Мабодо Давинчи ҳаёт бўлганда,
Қайтиб чизар эди Монализани.

Тарифинг эшитса шўрлик Ромео,
Ўйламай кўярди Жулеттасини!

Сени излай-излай ўтиб кетдилар,
Эсиз бугун йўқ-да Навоий, Бобур!
Бир умр дунёни забт этса ҳам-ки,
Сенга алмашарди шубҳасиз Тимур.

Ёдинг-ла яшарди Машраб-у, Чўлпон,
Сен ёки тушмисан, ёки қандай дард.

Юракни очмоқлик пайтидир шу он,
Менга насиб бўлди наҳот шундай баҳт.

Сўзларимни тингла, ҳали гапим бор,
Айт мендай ошиқдан истайсан нени!
Сенсиз яшолмайман бўлгин менга ёр,
Дунёлардан ортиқ севаман сени!

30.01.2009 йил

Талпиниб бир-бирин истар кўнглимиз,
Севгилим дунёга етар севгимиз,
Кел, дунёни бўлишайлик иккимиз,
Мухаббатнинг аччик дардлари менга,
Ҳамма гўзаллиги баҳтлари сенга.

Кел, эртага сочилемасдан хокимиз,
Қалбимизни тушунайлик токи биз,
Юрагимни бўлишайлик иккимиз,
Жароҳатга тўла қайғуси менга,
Туйғулари сенга кулгуси сенга.

Бу дунёга тушмасидан юкимиз,
Бу дунёни тарқ этармиз балки биз,
Ҳаётимни бўлишайлик иккимиз,
Булутлар ўраган тунлари менга,
Офтобга ранг сочган тонглари сенга.

Аҳад дейман, қўлимида эркимиз,
Ҳақсизмизни севмоклика ёки биз,
Бу тақдирни бўлишайлик иккимиз,
Ҳаёт қанча шодлик атаса сенга,
Ол ҳаммаси сенга сен эса менга.

7.06.2009 йил.

Ҳар куни кўришамиз,
Уришиб, ярашамиз.
Агар жуда бўлмаса,
Қайтадан танишамиз.

Унутдим исмингизни,
Қайтарай расмингизни,
Беринг манзилингизни,
Қайтадан танишамиз.

Рақамингиз айтвординг,
Гунохимдан ўтвординг,
Ҳаммасин унугоринг,
Қайтадан танишамиз.

Тентакмиз, телбароқмиз,
Озгина эзмароқмиз,
Бир-биримизга мосмиз,
Қайтадан танишамиз.

Жим. Бўлди. Гапирма,
Менга бундай бакирма,
Кўй, акангни чақирма,
Қайтадан танишамиз.

Хеч кимнинг қолмас кўнгли,
Дўстликни осон йўли,
Яхшиликни ўнг қўли,
Қайтадан танишамиз.

Севги-бу, муҳаббат-бу,
Кўнгил-бу, синашамиз,
Ҳечам зарари йўқ-ку,
Қайтадан танишамиз.

Жиловлаб асабларни,
Тўқмаймиз ғазабларни,
Билмаймиз азобларни,
Қайтадан танишамиз.

Кимлар кўриб қуидилар,
Бахтимиз бор билдилар,
Мени Аҳад дейдилар,
Қайтадан танишамиз.

16.03.2009й.

Сўрашади дўстларим,
Сенда ҳам дард борми деб,
Кулади-ю кўзларим,
Йиглайди қалбим ўксиб.

Дунёнинг ташвишидан,
Ғам тўлади ичимга,
Армоним бўлган билан,
Айттолмайман ҳеч кимга.

Дард сўзини баҳт билан,
Алмаштиридим луғатда,
Бахтимдир дардим мени,
Дард ҳам баҳтдир Аҳадга.

19.09.2009 йил

Мен бахтлыман,
Нега йиглайсиз она!
Дардниям ҳаммага бермайди Худо,
Бахтим-шу дардим-да, дардим-бахтим-да,
Бутун юрт ортимдан қиляпти дуо.

Юрт илдамламоқда чүккилар сари,
Карвон қадам ташлар олдинга қараб,
Мени деб шу Ватан дардидан ариб-
Бир қадам олдинда юрса не ажаб.

18.09.2009йил.

ОТА-ОНА ДУОСИ

Аллоҳ еткисса гар кам бўлмагайсан,
Тузи ҳалол қасбу кордан қолмасанг.
Йўқса, бутун умр ғамда яшайсан,
Ота-онанг дуосини олмасанг.

Ҳар дойим дуо ол мадад бўлгайдир,
Рискинг бутун бўлиб баҳтинг қулгайдир.
Дойим нимадандир кўнгил тўлмайди,
Ота-онанг дуосини олмасанг.

Шукр қил кам бўлса гар бисотингда,
Нимадир қолдирмоқ бўлгин ортингда.
Эгарсиз қолгайсан саман отингда,
Ота-онанг дуосини олмасанг.

Ахир билолмайсан эртанг не бўлар,
Дардманлар тузалиб соғ юрган ўлар.
Ҳаётинг ғунчаси очилмай сўлар,
Ота-онанг дуосини олмасанг.

Пайт бермай камаринг боғла эй дўстим,
Яхши иш бошласанг ҳамроҳман ўзим.
Ўткинчи ғавғолар топмагай тўзим,
Ота-онанг дуосини олмасанг.

Аҳаднинг сўзидан шубҳага борма,
Сал оғирроқ ботса кўнглингга олма.
Олисдан баҳт излаб бекорга толма,
Ота-онанг дуосини олмасанг.

27.01.2008 йил.

Оллоҳим умр бер ота-онамга,
Сабр бер гоҳида тушганда ғамга,
Шундоғам мен учун қанча дард ютди-
Нопоклик юқмасин дея боламга.

Эртага баҳорнинг авжи сўнса ҳам,
Дарёларнинг эрка мавжи сўнса ҳам,
Остонаси олтин қаср керакмас-
Отам омон бўлсин, соғ бўлсин онам.

Қадримни қаричлаб ўлчаб юрмадим,
Бахтимни бозордан излаб юрмадим,
Оғзимдаги ошни илиб кетганда,
Дўстларим олчоқ деб сўзлаб юрмадим.

Менга керак эмас бироннинг рисқи,
Бут бўлсин ҳар кимнинг насиба касби,
Отамнинг кўзига бир бор тик боқсам,
Онам оқшомлари чўчиб турмасми?

Тўғриси, чарчадим ортиқча юқдан,
Дўстгамас ишимга ошиқ шерикдан,
Ҳар кун Бухорога чакирап отам,
Онам мени кута-кута зериккан...

20.09.2009 йил

Билдим, бу курашда ҳеч ким ютмайди,
Буни йўл ярмида тушундим она.
Ўйиннинг бошидан жонимни тиқдим,
Билмам, мендан нима истарлар яна.

Ҳаётнинг ранглари кўринмай қолди,
Ит ва отнинг изи қўшилиб кетган,
Ўз-ўзимни излаб чарчадим, толдим,
Дунё-ҳақиқатнинг бошига етган...

Қизиқ...
Ўйиннинг бошидан боримни тиқдим...

10.04.2009 йил...

ОНА

Дунёдан кечдим мана,
Ёлғизман бугун яна,
Кўлим ишга бормайди,
Сизни соғиндим она.

Ёмон тушлар кўраман,
Ёлғон тушлар кўраман,
Бирдан сапчиб тураман,
Сизни соғиндим она.

Ҳар шом-у сахарларда,
Юрганда хатарларда,
Мусоғир шаҳарларда,
Сизни соғиндим она.

Дўстларим овутади,
Дилимни ёритади,
Дардимни аритади,
Сизни соғиндим она.

Сўзлар мени алдади,
Кўзлар мени алдади,
Қизлар мени алдади,
Сизни соғиндим она.

Дейман Аҳад қайт энди,
Бухорога айт энди,
Буёги қисмат энди,
Сизни соғиндим она.

Ўтган асримизда машхур шоирлар,
Шеърлар ёзар эди насиҳат қилиб,
Йигирма биринчи асрда ёшлар-
Қоғоз қоралайди васият қилиб.

Дўстлар, буни бугун кўтармас дунё,
Ҳаёт ва ўлимнинг чорраҳасида,
Ўзимизга бироз танбех бермоқни-
Ўргансак бўларди янги асрда.

20.09.2009 йил

Ўзгалар ҳаётин обод қилай деб,
Наҳот ўз умримни мен барбод қилдим.
Юракни сичқондек хотиралар еб,
Үртада күнгилни bemурод қилдим.

Хўш, айтчи нимани мен исбот қилдим,
Турмуш ценарийси ютворди мени.
Наҳотки, эртакни ҳаёт деб билдим,
Хўш, унда ўзимни ҳаётим қани?

Тилларинг учида яширдинг нени,
Менга асраганинг бўсамасми ёр?
Кўзингдаги дардни англадим энди,
Қалбим даштларида тўлди куммозор.

Мени ким тушунди Оллоҳдан бўлак,
Оллоҳдан бўлак ким менга қўл чўзди.
Ўзим учун ҳам мен яшашим керак,
Ким мени ҳалитдан гўримни қазди.

Бобом тушларимга кирар, хўмрайиб,
Отангга ёрдам бер у ёлғиз дейди.
Мен эса гуноҳкор унга мунгайиб,
Икки ўт ичидя яшашдан тўйдим.

Калаванинг учин йўқотиб қўйдим,
Концерва банкага ўхшайди миям.
Уни емай туриб ачитиб қўйдим,
Энди академик бўламан мен ҳам.

Чунки мансабталаб фанатлар мисол,
Бўлмаган гаплардан қоғоз тўлдирдим.

Тирсагим остида йиглайди стол,
Минглаб ручкаларни бекор синдиридим...

12.11.2009й.

ЁЛҒИЗЛИК

Розиман, бир умр ёлғиз яшашга,
Менга ёлғизлиқдан ишончли дўст йўқ,
Интилмам, ҳаммага қараб ўхшашга,
Одамлар ичидя кўнглимга мос йўқ.

Кимлардир баҳтини топади ҳатто,
Бирорлар туфлисин тозалаб хар кун,
Оғзимдаги ошни ҳалоллаб ютсан,
Ҳаммадан баҳтлиман демайин нечун.

Вагон орқасига осилиб келиб,
Шаҳарни эгаллаб олганлар қанча,
Кимнидир энг содиқ лайчаси бўлиб-
Отини эгарлаб олганлар қанча.

Менга нима қипти,
ҳамма жойим соғ,
Ёлғизлик энг буюк неъматдир менга,
Юрагим дарёдир, икки елкам тоғ,
Ҳар олган нафасим санъатдир менга.

Авом орасига тушмоқ мен учун,
Тегирмонга тошни ташлагандай гап,
Мен тушган тегирмон синиши мумкин,
Ёки тегирмончи бузади асаб...

Ҳаёт – латарея,
ёки қимормас,
Таваккал қилганлар ютгани билан,
Касал бўлганларнинг бари bemormas,
Оёгин кўтариб ётгани билан.

Менга насиҳатмас,
бир имкон беринг,
Робинзон Крузо
ёки Колумдек.
Кимсасиз бир орол йўлин кўрсатинг,
Америка очгум ишлаб Роботдек.

Йилларнинг бўйнига занжир осилган,
Кишандбанд маҳбусдек
кетаётир жим.

Бечора тарихнинг тили кесилган,
Унга навбат бермайди ҳеч ким...

Йўқ!!!

Ачинманг менга.

Ёрдам керакмас!

Одамзодга фақат кўмаклаш бас денг.

Менга ёлғизлиқдир дўстлар олий дарс,

Менга “ЁЛҒИЗЛИК”дек

мукофот беринг...

29.08.2009 йил

ЎЗИМГА НАСИХАТ

Авом ўткинчидир, мухлис бевафо,
Пасайтирма илҳом ўтини Аҳад.
Ижодни ўлдирап кераксиз мақтов,
Қамчила камтарлик отини Аҳад.

Аҳад, сен унутма, ҳали ирмоқсан,
Тарих оқимида битта тармоқсан,
Ёшликни ўтида бугун қайноқсан,
Унутма Яссавий байтини Аҳад.

Кимлардир қўл бериб бошингни силар,
Ўзин доно билиб қадаминг санар,
Эртага пайт билиб оёқдан чалар,
Яқинлатма нокас зотини Аҳад,

Ҳали йўл олдинда, манзил олдинда,
Ҳали чин олдинда, ҳазил олдинда,
Маҳмадона бўлма фозил олдида,
Кутгин сўйламоқни пайтини Аҳад.

Ўтган хатоларни ўйлама ҳадеб,
Эртанги қадаминг бос энди билиб,
Бир бола қирқ йилда йигит бўлар деб,
Ўтказма хаётнинг тотини Аҳад.

Мехнатдан устунмас, пул ҳам тилло ҳам,
Бахтнинг энг баланди келар сабрдан,
Уйғониш ҳам мумкин ҳатто қабрдан,
Эл билса яхшининг қадрини Аҳад.

Етарлича бўлди ҳаёт дарслари,
Гарчи юрагингда севги дарзлари,
Қайтарсанг яхшилар берган қарзларин,
Топиб икки дунё баҳтини Аҳад...

19.12.2009.

Кўчада кўрасан,
Елиб югуриб,
Юзидан ғамсиздек юрган одамлар.
Қаёқдан биласан, сенга жилмайиб,
Ўзи не ташвишда юракин улар.

Бирөвга чивиндең озор бермайин,
Ноңаң зардаларга чидағанлар бор.
Юзидан бирөвга ҳеч билдирмайин,
Үзгалар ғамида йиғлаганлар бор.

Хәёт темирийүлмас,
Изидан юрсанг...
Борар манзилига чипта сотмайды.
Гоҳо пешонанғга түппонча тираб,
Илтимос қылсанг ҳам сени отмайды.

Одамлар,
Одамлар...

Энг мавхұм қатлам.
Күнглим эшигининг бузилди зулфи.
Ақлим чархласам ҳам ўтmas бунчалар,
Фалсафа сандигин очилмас қулфи.

Жилмайиб қүяман ҳатто душманга,
Дүстимга заҳримни сочаман гоҳо.
Менға қолса йүлбарс терисин шилиб,
Мингта чумолига қилардим сарпо.

Нега юрагини тингламас ҳеч ким,
Ахир туғилмаслар авлиё бўлиб.
Ёки юксалтириб техника илмин,
Одамсан деб бўлмас роботга бориб.

Узр,
Вақтингизни олдим беҳуда,
Ахир бу мавзуда баҳслашмоқ бекор.
Энди мен тушимда яшаб уйқуда,
Кундузи ухлашга қилдим мен қарор.

Ўйлашдан чарчадим,
Фалсафаданмас,
Ё меъёрдан ошди расмиятчилик.
Келажак йўлини ёруғ қилгайман,
Аждодлар гўрида турмасидан тик...

Хәёт темирийүлмас,
Изидан юрсам...

08.09.2009 й

ДҮСТЛАР

Дүстлар, умр нима, айтинг нима у?
Йиллар синаб борар дилдаги шахдни,
Абадий висолни топганда мангы,
Үшанды топгаймиз умрдан баҳтни.

Дүстлар, қадр нима, айтинг нима у?
Мен сиздан сүрайман ваъда-ю нақдни,
Дилингизга асло инмасин қайфу,
Баъзида излайман қадрдан баҳтни.

Дүстлар, сабр нима, айтинг нима у?
Гадога тутқазди, подшолик тахтни.
Энг юксак чўққини этингиз орзу,
Топмоққа интилинг сабрдан баҳтни.

Дүстлар, жабр нима, айтинг нима у?
Жароҳат битмоққа сўрайди вақтни,
Хасталик, аслида, шундай бир туйғу,
Кимлардир топдилар жабрдан баҳтни.

Дүстлар, қабр нима, айтинг нима у?
Яқинлар кетдилар, бузишиб аҳдни.
Умр якуни бу шундай бир уйқу,
Ким уйғониб топди қабрдан баҳтни.

Дүстлар, сатр нима, айтинг нима у?
Шунчалар қадим-ки назм дарахти,
Илдизин топмоқлик Аҳадга орзу,
Мева бера олса сатрдан баҳти.

Дүстлар, меҳр нима, айтинг нима у?
Дуога очганда иккала кафтни,
Юракка қўйилгай илоҳий ёғду,
Кутмоқлик ўзи баҳт, меҳрдан баҳтни.

Дүстлар, қаҳр нима, айтинг нима у,
Яхшилик йўлида сарфланг меҳнатни.
Ғазаб-у жаҳл ҳам чиройли туйғу,
Нафсни енгиб топинг қаҳрдан баҳтни....

ДҮСТЛАР-2

Дүстлар – нақл нима, айтинг нима у,
Иймони бутунлар билади ҳақни,
Ҳаёт – бу китобдир кўнгилга кўзгу,
Донолар излайди нақлдан баҳтни.

Дўстлар – ақл нима, айтинг нима у,
Илм ёритгайдир қаро зулматни,
Ҳар дойим ниятни қилсангиз эзгу,
Буюклардек топсак ақлдан баҳтни.

Дўстлар – фикр нима, айтинг нима у,
Дардингизни айтинг бермай фурсатни,
Ижодкорга қизиқ ҳар битта мавзу,
Изласанг арзиди фикрдан баҳтни.

Дўстлар – куфр нима, айтинг нима у,
Сўкирдек эшигин ёпманг жаннатни,
Атайнин кўз юмиб ичмангиз оғу,
Асло тополмайсиз куфран баҳтни.

Дўстлар – узр нима, айтинг нима у,
Не учун яшаймиз кутиб шавқатни,
Ёки сизни бирор қилганми жоду,
Кутманг, ҳеч бесабаб узрдан баҳтни.

Дўстлар – аср нима, айтинг нима у,
Хар бири бошлайди битта кулфатни,
Янги асримизда бўлмасин қўркув,
Ўзбекистон топсин асрдан баҳтни.

Дўстлар – давр нима, айтинг нима у,
Ким ўйлаб топдийкин, бу сиёсатни,
Эртамиз шу юртнинг келажаги-ку,
Яхши одам топсин даврдан баҳтни.

Дўстлар – фасл нима, айтинг нима у,
Қишида ҳам йўқотманг баҳорий дардни,
Юрак тоза бўлса, кўзларда кулгу,
Кексалар ҳам топар фаслдан баҳтни.

Дўстлар – Хизр ким у, айтинглар ким у,
Ёддан чиқарманг ҳеч бу ҳақиқатни,
Ураган инсонга қўл узатинг-у,
Кувонинг топгандек Хизрдан баҳтни.

Дўстлар – кўнгил нима, айтинг нима у,
Осмонга кўтарди оддий Аҳадни,
Унга ҳасрат эмас, керакдир севги,
Азизларим топинг кўнгилдан баҳтни.

03.01.2009 йил

Бу ҳаёт биз учун нима одамлар,
Синовми, жумбоқми ёки бир ўйин?
Билмоққа қанчалар интилсанг агар,
Яшамоқ шунчалар туюлар қийин.

Бу дунё биз учун нима одамлар,
Зўрлар бўлиб олган кураш майдонми?
Ноҳақ отасидан ранжир ўғиллар,
Оналар қизига караб ҳайронми?

Бу нафас биз учун нима одамлар,
Демак биз борлиқнинг бир бўлагимиз,
Бизга не самардир ғанимат дамлар,
Осмонни ёритсин тилакларимиз.

Бу юрак биз учун нима одамлар,
Ҳар лаҳза бўлингай минг бир бўлакка,
Унинг хонишини тингласак агар,
Рухимиз учади қушдек фалакка.

Бу ёшлик биз учун нима одамлар,
Ким ҳам боса олгай юрак тафтини.
Юзимизга ажин тушса ҳам агар,
Яна соғинамиз унинг атрини.

Мұхабbat биз учун нима одамлар,
Минг йиллаб кутамиз висол онини,
Буни ишқ ўтида куйганлар билар,
Севгидан яратмиш инсон жонини,

Гўзаллик биз учун нима одамлар,
Ким ҳам айта олгай ошиқлик сирин.
Гоҳо сароб мисол тураг жилвагар,
Шунча кўп англайсан тушунган саринг.

Бу умр биз учун нима одамлар,
Бу йиллар, бу кунлар, соат, минутлар,
Қанча ёқиб қанча ўчиридик шамлар,
Кимлар бизни эслар, кимлар унутар...

Бу кўнгил биз учун нима одамлар,
Не учун чалинар дил торларимиз.
Кимнидир кўзига туширгай намлар,
Билмайин еттирган озорларимиз.

Бу йўллар биз учун нима одамлар,
Олға юрсанг ортга қайтиш ҳам бордир.

Унга қараганда ўйланг ҳар сафар,
Бу ҳаёт йўллари жуда ҳам тордир.
Бу тақдир биз учун нима одамлар,
Худо ёруғ қилсин пешонангизни.
Ўксинманг устма-уст тушса ҳам ғамлар,
Доимо пок тутиңг иймонингизни.

Тириклик биз учун нима одамлар,
Азиз сақламоқми дўстлар номини.
Яхшилик йўлида боғласак камар,
Ўшандада сезгаймиз ҳаёт тотини.
Бу шеърим сиз учун нима одамлар,
Балким бир шунчаки кўнгил эрмаги.
Шу ерда сўзимни қилсан мухтасар,
Аҳаднинг бир тушдек ширин эртаги...

10.06.2008йил

ҚЎНГЛИМ

Беун оғринасан сезмайди биров,
Бир чора излабон охир мен кўндим.
Ахир билолмайсан ким дўст-у ким ёв,
Кўй энди ўксима, ўксима кўнглим.

Мен учун бегубор, софлигингча қол,
Жабрдидам менинг, бечора мунглим.
Хасратларинг бўлса менга айтқол,
Кўй энди ўксима, ўксима кўнглим.
Мен ёлгиз эмасман ким айтди сенга,
Дард менга уқадир, аламдир синглим.
Армон-вафодор дўст, ишонгин унга,
Кўй энди ўксима, ўксима кўнглим.
Сенга қараб юрак қийналиб кетди,
Бағрим ёниб борар тўзим бер, Тангрим
Азобинг менинг ҳам жонимдан ўтди,
Кўй энди ўксима, ўксима кўнглим,

Кўзларимни юмсан сени кўраман,
Наҳотки бу сенсан тушми ё ўнгим?
Нечун йиглаяпсан ҳолинг сўрасам,
Кўй энди ўксима, ўксима кўнгдим.

Дунё ишларидан ранжима бунча,
Мен бор изтиробим ичимга кўмдим.
Сен хали мен учун энг нозик ғунча,
Кўй энди ўксима, ўксима кўнглим.

2007, ноябрь

Давлат сўра Худодан,
Давлат беради бир кун,
Омад сўра Худодан,
Омад беради бир кун.

Топилмай паноҳларинг,
Кўпайса гуноҳларинг,
Шавқат сўра Худодан,
Жаннат беради бир кун.

Кунларинг ўтмай қолса,
Яшагинг келмай қолса,
Мақсад сўра Худодан
Кисмат беради бир кун.

Бошинг чиқмай қулфатдан,
Чарчасанг ҳар иллатдан,
Ният сўра Худодан,
Неъмат беради бир кун.

Отни эгарламоққа,
Чўққилардан ўзмоққа,
Ҳикмат сўра Худодан,
Фурсат беради бир кун.

Кераксиз пул тилладан,
Юракдаги ўт афзал,
Бир дард сўра Худодан,
Журъат беради бир кун.

Эй Аҳад бу турмушдир,
Буни кўплар кўрмишдир,
Тоқат сўра Худодан,
Савлат беради бир кун...

29.05.2009 йил

ТҮҚЧИЛИК ҒАВҒО ЭКАН

Мансабу бойлик эмас, дўст йикқан подшо экан,
Давлатинг ортганида душман ҳам ошно экан,
Дил мулки бир кошона, ҳикмати дунё экан,
Дунё ишин ўйламанг пишмаган савдо экан,
Йўқчилик эмас дўстлар, тўқчилик ғавғо экан.

Фанинг кўп бўлса гар, отгани тош излама,
Фамларинг кўп бўлса хам тўккани ёш излама,
Ҳалол риз-қингни қўйиб, ортиқча ош излама,
Қайда баднафс кўп бўлса, шайтон ҳам
шайдо экан,

Йўқчилик эмас дўстлар, тўқчилик ғавғо экан.
Бахтга тўлиб юрганинг кўролмайди баъзилар,
Нафас олмай ҳасадсиз туролмайди баъзилар,
Нечун ҳақиқатга тик қаролмайди баъзилар,
Номарднинг кўзлари кўр, юзлари қаро экан,
Йўқчилик эмас дўстлар, тўқчилик ғавғо экан.

Йўқчиликда бир бурда нонга ҳам кўнар инсон,
Йўқчиликда сабр этиб ҳар дардга чидар инсон,
Тўқчиликда бойлик деб, балчикқа ботар инсон,
Тўқчиликда ортингдан топганинг ифво экан,
Йўқчилик эмас дўстлар, тўқчилик ғавғо экан.

Эҳ, бу тириклий деб қанча йўлларни юрдим,
Эҳ, бу йигитчилик деб қанча кунларни кўрдим,
Қисмат, шерикчилик деб қанча йилларни бердим,
Дили борда дунё бор, пули бор гадо экан,
Йўқчилик эмас дўстлар, тўқчилик ғавғо экан.

Аҳад, жонинг ғанимат, ўтар онинг ғанимат,
Олган нафасинг бойлик, тириклигинг бир неъмат,
Тахти подшоҳ бўлса ҳам, одамдан эмас қиммат,
Яҳшиларга мол тугул, жонимиз фидо экан,
Йўқчилик эмас дўстлар, тўқчилик ғавғо экан.

Кимки ул ўз номин
паст қиймат қиласар,
Ўтган, кетган
учраганни ғийбат қиласар.

БАЪЗИЛАР

Ошу-нон берсанг агар,
Ошно бўлар баъзилар,
Нонингни еб қонингга,
Ташна бўлар баъзилар.

Бир сўз демиш фозиллар,
Гуноҳларинг ёзилар,
Тузалмайди разиллар,
Бадкор бўлар баъзилар.

Кўзинг ёғин ялади,
Кўйсанг молинг талайди,
Ортингдан ўт қалайди,
Маккор бўлар баъзилар.

Сенинг номингни олиб,
Қорар гийбатга солиб,
Ўзи иснодга қолиб,
Расво бўлар баъзилар.

Душманга май тутқазар,
Жон дўстига гўр қазар,
Ҳаромдан қилмас хазар,
Шайтон бўлар баъзилар.

Зарари кўп нафидан,
Қочгин булар сафидан,
Ёмонлиги дастидан,
Ғавғо бўлар баъзилар.

Эй Аҳад сен алқаган,
Боғида қуш учмаган,
Икки дунё пишмаган,
Савдо бўлар баъзилар.

20.09.2008-2.11.2008 йил.

АҚЛЛИ ОДАМЛАР

Нозирлар таб тотмай йўл меники дер,
Шоирлар уялмай дил меники дер,
Маъшуклар мактаниб гул меники дер,
Менсирамоқ дўсллар бизга ярашмас,
Ақлли одамлар дунё талашмас.

Кўйиб берсанг агар савдо аҳлига,

Доим бўйсунади битта нақлга,
Бозор таянармиш улар аклига,
Омонат бир жонсан ғавғо ярашмас,
Асли йўқ нарсага даъво ярашмас.

Ёки сўз берсангиз шифокорларга ,
Тиб олами ичра фидоколарга,
Мен мадад бўлгайман дер bemорларга,
Асл фидойилар ўрин сўрашмас,
Ақлли одамлар дунё талашмас.

Навбат тегиб қолса аҳли илмга,
Оlam суянгайдир дейди билимга,
Майдонда шер бўлмоқ ёқмайди кимга,
Мақсад эски дўкон тубин ковлашмас,
Ақлли одамлар дунё талашмас.

Балиқлар денгизин даъвосин қилса,
Осмонлар юлдузин даъвосин қилса,
Дараҳтлар илдизин даъвосин қилса,
Яшамоқдан маъно фақат курашмас,
Хақиқатга нечун тикка қарашмас.

Ўрин очсангиз гар маданиятга,
Фақат биз керакмиз дер жамиятга,
Санъат жон бағишлар одамиятга,
Мақсад майдон узра нукул сайрашмас,
Сўзни сўзга уриб мантиқ қайрашмас.

Эътибор қилинг-а учувчиларга,
Тупроқдек хокисор қурувчиларга,
Бирдек юрт дардида юрувчиларга,
Ҳар куни минбарда жавраб туришмас,
Лекин чет-четларда хаёл суришмас.

Аскарлардек элни ҳимоя элтар,
Офат-у балодан ким соя элтар,
Юксакларга асл ҳурғоя элтар,
Дилда ўти борлар йўлдан чалкашмас,
Ўзин ўйлаб ҳалкни асло алдашмас.

Дўстлар, биродарлар, оға-инилар,
Аҳад ҳаммангиздан бир истак тилар,
Бирлашмасак эрта қиёмат бўлар,
Ёлғиз от қачон чанг чиқара олган,
Ботқоқдан ўзин ким кутқара олган.....

МАЙДА ТАШВИШЛАР

Отамни қаритган ҳам шу дард эди,
Онамни ҳоритган ҳам шу дард эди,
Менинг ҳам охири жонимни еди,
Дунёдан бэздирар майда ташвишлар.

Баъзан қаро этар элда номингни,
Тупроққа қоради азиз жонингни,
Одамдек ютмайсан бурда нонингни,
Рўзгоринг тўздирап майда ташвишлар.

Ёвдек кўрингандир қозон товофинг,
Нафсингни қайирарап тешик томофинг,
Ямаб бўлгунингча йиртиқ ямофинг,
Камингни сездирап майда ташвишлар.

Ўзни ўтга урдик йигитчилик деб,
Чўққа оёқ босдик тирикчилик деб,
На илож кўпчилик шерикчилик деб,
Йўлингдан оздирап майда ташвишлар.

Ўн гулидан бири очилмай туриб,
Гўёки илдизинг кетгандай куриб,
Бир четдан жимгина индамай туриб,
Гўрингни қаздирап майда ташвишлар.

Минг зўрлар сафида бўлсин маконинг,
Ҳаммасин енгаман деган замонинг,
Эй Аҳад, Бухоро бўлса маконинг,
Дунёни кездирап майда ташвишлар.

10.07.2008 йил

ЙИГИТЧИЛИКДА

Боши тошдан бўлсин эркакни доим,
Боласи оч қолса қиёмат қойим,
Хотиннинг захридан асра Худойим,
Кўчага чиқади тирикчиликда,
Нималар бўлмайди йигитчиликда.

Кимгадир қучогин очади бозор,
Кимдир хунар билар, кимдир мардикор,
Киракашлик қилас машинаси бор,
Кимдир меҳнат қилас шерикчиликда,
Нималар бўлмайди йигитчиликда.

Қанча узокларни яқин қиласан,
Тупроқни ҳам әлаб олтин қиласан,
Үзингдан ўтганин ўзинг биласан,
Тақдирга тан берма бу йўқчиликда,
Нималар бўлмайди йигитчиликда.

Ҳалол ризкинг териб янги тонгни кут,
Умидни йўқотма этагидан тут,
Бесамар кетказган умрингни унут,
Ғанимат бўлар бу кун тўқчиликда,
Нималар бўлмайди йигитчиликда.

Аслида кўча ҳам битта мактабдир,
Хаётни ўргатар катта мактабдир,
Аҳад шоир излар дўстлар бир тадбир,
Шеърлар ёзгани йўқ бир шўхчиликда,
Нималар бўлмайди йигитчиликда.

26.12.2008 йил.

ҚАДР ТОПМАСА

Тақдирдан норизо бўлмагин ҳеч ҳам,
Сен кутган маҳалда баҳтинг чопмаса.
Ўз жонин минг ўтга ташлайди одам,
Агар ўз уйида қадр топмаса.

У пайтда ўйламас дунё ташвишин,
Турмуш савдолари эзади тишин,
Ажратолмай қолар умрин ёз-қишин,
Инсон ўз уйида қадр топмаса.

Лаҳзалар ўтсада, бир-бирин ўзиб,
Нажотсиз тентирар хаёли тўзиб,
Яшайди ҳаётдан умидин узиб,
Инсон ўз уйида қадр топмаса.

Кимсага айттолмай юрак дардини,
Чор атрофдан излар дўстнинг мардини,
Ўртанар, поклолмай кўнгил гардини,
Инсон ўз уйида қадр топмаса.

Бошга бир иш тушса, синов дейдилар,
Ким бардош беролмай бағрини тилар,
Үзидан ўтганин ўзи ҳам билар,
Инсон ўз уйида қадр топмаса.

Яратган жонимиз килганды ато,
Толеъда не бўлса ёзибди, ҳатто,
Негадир дўст-ёрдан излайди хато,
Инсон ўз уйида қадр топмаса.

2007 йил.

Сен эртани кутиб яшама,
Эрта сени кутиб яшасин,
Замон учун қадам ташлама,
Замон сенга назар ташласин.

Баланд дема чўққиларни сен,
Юрагингда олов чақнасин,
Қулочингни шундай очгин кенг,
Тута олгин жаҳон саҳнасин.

Ишонмагин чўпчакларга хўп,
Қонун қилма кўнгил нағмасин,
Йўл очмагин кўппакларга кўп,
Ялтоқлиги сенга юқмасин.

Бирор ғаюр йўлингдан чиқиб,
Нега жимсан сўйлагин деса,
Овозини шундай ўчиргин,
Тилини кес қўлингдан келса.

Чунки баъзан битта нокас деб,
Азоб тортар бутун бошли эл.
Бундайларнинг тилини кесиб,
Яхшиликка боғлаш керак бел.

01.05.2008 йил

ДЎСТ

Бу дунёда ўтмайдиган дам борми дўст,
Боқий ёниб ўчмайдиган шам борми дўст,
Курашмасанг бу ҳаётда там борми дўст,
Бахту омад бирор йўлда жам борми дўст.
Ўксима, гар бисотингда кам борми дўст,
Бола чақа ташвишидек ғам борми дўст.

Хаётимни чамалаб кўрдим,
Қилинмаган ишларим қанча.
Кунларимни режалаб қўйдим,
Душанбадан якшанбагача.

Ҳисоб билмас жайдари эдим,
Ўзни вақтнинг измига бердим,
Бир юракни еттига бўлдим,
Душанбадан якшанбагача.

Бир жонимга етмишта мезон,
Нега вақтга бўйсунар инсон,
Кунлар, ойлар, йиллар қилди қон,
Душанбадан якшанбагача.

Кимлардир шод, кимлардир хафа,
Бир зум тинмай айланар ҳафта,
Дардга тўлди бу умр дафтар,
Душанбадан якшанбагача.

Душанбада дилга тўлар шаҳд,
Сешанбада гўё омад нақд,
Чоршанбада топганингда баҳт,
Пайшанбада сарф этишдан қайт,
Жума айтар бўлди энди вақт,
Эрта шанба, дам ол бир муддат,
Якшанбада охирги мухлат,
Душанбадан якшанбагача.

22.11.2009й.

Кулишни истасанг баҳт кўп дунёда,
Йиғлашни истасанг дард кўп дунёда,
Фариблик либосин кийсанг, кўчада,
Дўстман деб қўл чўзган мард йўқ дунёда.

Дунёдан яхшилик излаган жон кўп,
Юракка тош солсанг кўринар ғам кўп,
Дилингни кенгроқ оч, гул-у гулшан кўп,
Бир меҳр излаган қалб кўп дунёда....

19.11.2009й.

КИМГАДИР ГУЛ НАСИБ, КИМГАДИР ТИКАН

Худонинг ишларин ўйламай кўйдим,
Юрагимни ортиқ қийнамай кўйдим,
Билмайин сўйдим ман, билмайин куйдим,
Нетайин дўстларим тақдирим экан,
Кимгадир гул насиб, кимгадир тикан.

Саҳронинг ичидан ғунча излабман,
Йўқ экан бекорга ёниб сўзлабман,
Мухаббат бор дея шунча излабман,
Кимгадир сахро ҳам бўлдику Ватан,
Кимгадир гул насиб, кимгадир тикан.

Пешонам шу жоним, пешонанг шудир,
Иккимизга висол бўлмади тақдир,
Гуноҳимиз нима бизларни ахир,
Тош чиқди олтин деб ковлаган жойдан,
Кимгадир гул насиб, кимгадир тикан.

Мен ўзимни ўтда ёқдим қоракўз,
Хижрон дарёсида оқдим қоракўз,
Ҳаёт деб саробга бокдим қоракўз,
Тушлар таъбирини билибман қайдан,
Кимгадир гул насиб, кимгадир тикан.

13.11.2009 йил

ЖИЙДА ГУЛЛАРИ...

Боғларда жийдалар яна гуллади,
Дилларни дилларга мангу бойлади,
Орзулар бағрига бизни чорлади,
Софиндик, биз сени баҳор еллари,
Севгимизга гувоҳ жийда гуллари.

Кўнглим саройидан йўқолди гавҳар,
Гавҳарнинг ўрнида бор оғу заҳар,
Тақдир жумбоклари чигал бунчалар,
Бизни адаштирда умр йўллари,
Севгимизга гувоҳ жийда гуллари.

Шайтон тузоғида мени овлади,
Дунё жилвалари кўзим боғлади,
Макру хиёнатга қалбим чоғлади,
Йўлларимдан чиқди хийла тўрлари,
Севгимизга гувоҳ жийда гуллари.

Бунда мен кўрмаган қолмади азоб,
Ростдан адаштириб авради сароб,
Фанимим дўстман деб тутганда шароб,
Бу дарддан юракнинг оқди қонлари,
Севгимизга гувоҳ жийда гуллари.

Айрилиқда ўтган ҳар оним қийнар,
Хаёлим ҳар лаҳза сенга интилар,
Севгилим сенчалик ким мени севар,
Гапирсин баҳорнинг бўлса тиллари,
Севгимизга гувоҳ жийда гуллари.

Сенингсиз баҳт ярим, бу кўнглим ярим,
Ўзингсан қалбимда бебаҳо зарим,
Оллоҳим қайтаргин йўқотганларим,
Софиндим севгилим баҳтнинг ҳидларин,
Софиндик, биз сени баҳор еллари,
Севгимизга гувоҳ жийда гуллари.

21.01.2010й.

Ваъдалар занжирин осиб бўйнингта,
Мухаббатдан олов солдим кўйнинга,
Берухсат кирибман кўнгил уйинга,
Дил изҳор айласам такрор ва такрор,
Нечун севганимга ишонмайсан ёр?

Туну кун атрофинг шарпадек ўраб,
Пойинга бош эгдим қалбингни сўраб,
Умрим ўтса ҳамки йўлингга қараб,
Сен учун яшайман бир ғаридек хор,
Нечун севганимга ишонмайсан ёр?

Васлинг учун яна нима қиласай айт,
Охларим етмаса, камлик қилса байт,
Жонимни тутайми ёки бундай пайт,
Фироқинг дастидиа юрагим бемор,
Нечун севганимга ишонмайсан ёр?

Озоринг бағримга отилган ўқдир,
Калбим ҳам кафтимда титраган чўғдир,
Армоннинг тафтига бардошим йўқдир,
Оёғим зир титрар бўйнимдадир дор,
Нечун севганимга ишонмайсан ёр?

Лабимдан сачраса сўнги сўзларим,
Ишк деб очик, кетса гирён кўзларим,
Ахаддан ёдгордир қонли излари,
Энди ортга кайтмоқ унинг учун ор,
Нечун севганимга ишонмайсан ёр?

12.05.2008йил...

НИЛУФАР

Икки кўзинг иккита тузоқ,
Мени овлаш учун шайланган,
Икки қошинг иккита қилич,
Қотил-у жаллодга айланган.

Киприкларинг товус патидек,
Товланади мени кўрганда,
Тишларингдан кўзим қамашар,
Лабларингни тўсмай кулганда.

О, Нилуфар икки яноғинг,
Жоним олар, қасди дудоғинг,
О, Нилуфар сочимни сила,
Ўлдирса ҳам майли бармоғинг.

Мисли санъат шундай туришинг,
Мингта қизга армон юришишинг,
Аҳад учун битта жилмайгин,
Дунёда йўқ сенинг кулишинг.

Севдиму, лек унугомадим,
Йўлларингни мен кутолмадим,
Гушларимга ҳар кун кирсанг ҳам,
Севаман деб айта олмадим.

08.07.2009 йил.

Кунлар, ойлар ўтиб, ўтганда йиллар,
Бир-бирин унутса юраклар диллар,
Эртага кўмилса биз юрган йўллар,
Ўшанда сен мени эслармикинсан,
Суйганим қайда деб излармикинсан.

Осмондан учса гар бир ёруғ юлдуз,
Юрагинг ғаш тортса кечаю кундуз,
Кимсасиз тор уйда қолганда ёлғиз,
Ўшанда сен мени эслармикинсан,
Суйганим қайда деб излармикинсан.

Болангга эртаклар сўйлаётганда,
Бахтиёр чоғларинг ўйлаётганда,
Қалбингни нимадир қийнаётганда,
Ўшанда сен мени эслармикинсан,
Суйганим қайда деб излармикинсан.

Кимдир келиб сенга тасалли берса,
Охир паймонаси тўлибди деса,
Эшиитдингми Аҳад ўлибди деса,
Ўшанда сен мени эслармикинсан,
Суйганим қайда деб излармикинсан.

Безовта хаёлларга,
Кўмилдим саволларга,
Дардимни шамолларга ,
Сўйладим...
5.01.2009й.

Энг биринчи севгим ўзинг, баҳтим ўзинг,
Энг биринчи гуссам ўзинг, дардим ўзинг,
Энг биричи меҳрим ўзинг, қадрим ўзинг,
Иккинчи бор яна кўнгил беролмадим,
Иккинчи бор ўзга ёрни севолмадим.

Сен учраган барча йўллар бугун ҳасрат,
Сен учраган ёруғ диллар бугун зулмат,
Қайтиб келмас экан дўстлар илк муҳаббат,
Иккинчи бор яна кўнгил беролмадим,
Иккинчи бор ўзга ёрни севолмадим.

Юзим ўша, кўзим ўша, сўзим бошқа,
Кўнглим ўша, йўлим ўша, изим бошқа,
Севгим ўша, қалбим ўша, ўзим бошқа,
Иккинчи бор яна кўнгил беролмадим,
Иккинчи бор ўзга ёрни севолмадим.

Гўзалларнинг хушомади ёқмайди хеч,
Кўнглим сендан бошқасига боқмайди хеч,
Яшаш керак десам ҳам-ки уқмайди хеч,
Иккинчи бор яна кўнгил беролмадим,
Иккинчи бор ўзга ёрни севолмадим.

Ошиқ Аҳад сендан кўнгил узолмайди,
Ўзи курган ишқ қасрини бузолмайди,
Яна қайтиб ишқ фаслини тузолмайди,
Иккинчи бор яна кўнгил беролмадим,
Иккинчи бор ўзга ёрни севолмадим.

19.01.2009 йил

Кимлар ишқимизни ёлғонга йўйди,
Айрилиқ жабрини осонга йўйди,
Бизни телбаларга чиқариб қўйди,
Ахир сенинг бир кун қайтишинг рост-ку.
Менга дил розларинг айтишинг рост-ку.

Йиллар-ки қалбимда севгинг авайлаб,
Кўксимга тиф санчгум кўп бор атайлаб
Юрагимда азиз исмингни асраб,
Бедорлик азобин ютганим рост-ку.
Фақат, факат сени кутганим рост-ку.

Майли-да, ишонсанг ишонмасанг-да,
Мен учун ёнсанг-у ё ёнмасанг-да,
Аҳдингдан ўзгани деб томмасанг-да,
Мени тушларингда кўрганинг рост-ку.
Йўлимда интизор турганинг рост-ку.

Үйлама, бутунлай мендан кечди деб,
Қасамларин нечун ёлғон ичди деб,
Дилдаги муҳаббат энди ўчди деб,
Ўз жонингни ўзингни қийнадинг рост-ку
Алдасанг ўзингни алдадинг рост-ку.

Кўявер, бўлмагин хаёлларингни,
Эртага асраб қўй саволларингни,
Бўлди, унут энди, заволларингни,
Қисмат ҳам бир синаб қийнади рост-ку.
Биз билан эрмакка ўйнади рост-ку...

СОФИНАСАН

Софинасан, ҳали ёмон софинасан,
Қачонгача ёлғонларга сифинасан,
Нишонини тополмаган камон бўлиб,
Найза каби мен томонга отиласан.

Кўникасан, менсизликка кўникасан,
Суратимдан кўз узолмай тикиласан,
Пушаймондан тунлари қон ютиб-ютиб,
Тушларингда исмим айтиб чақирасан.

Чўмиласан, армонларга чўмиласан,
Гўдак каби юлдузларга термуласан,
Гуноҳларинг азоб сочиб қайтганида,
Саволларга кўмиласан, кўмиласан.

Булутларга ёлворасан, ёлворасан,
Дардларингни шамолларда совурасан,
Ховурини босолмаган тентаккинам,
Софинасан, ҳали ёмон софинасан.

Ўз қалбингни билмам қандай ёритасан,
Тонгни кутиб юрагингни чиритасан,
Синган умид, қадаҳ каби қўлни йиртар,
Оқшомлари бармоқ тишлаб қон ютасан...

Остонангда қул бўлай деб ялиласан,
Сахро каби хаёлимни чангитасан,
Мухаббатда бир синовни енголмадинг,
Мағлуб бўлдинг бу ҳаётнинг жангидасан...

Сен эртага билмам қандай овunasан,
Ёш жонингни қизик қонга қовурасан,
Бир бор кўрсам бўлди эди Аҳадни деб,
Софинасан, ҳали ёмон софинасан...

26.05.2009 йил

Тирик-Тасвир, Тушингизни Топдингизми,
Тахтда Туриб Тожингизни Топдингизми,
Тилло Тўла Тоғингизни Топдингизми,
Тарози-ю Тошингизни Топдингизми,
Тундан Тониб Тонгингизни Топдингизми,
Танлаб-Танлаб Тенгингизни Топдингизми?

Тўғрими迪, Тушлардаги Тъбириմиз,
Туташмади Такдириմиз, Такдириմиз,
Талвасами, Ташибишмиди, Тадбириմиз,
Тоқат Тилаб Тешилдику Томириմиз,
Тирик-Тасвир, Тушингизни Топдингизми,
Танлаб-Танлаб Тенгингизни Топдингизми?

Товонимга Тикан Тикиб Тилмангиз-эй,
Тўхтамайин Тирнаб-Тирнаб Тиглангиз-эй,
Тоза-Тоза Тилакларим Тинглангиз-эй,
Тузоқ Ташлаб, Тўхтатмангиз, Тўсмангиз-эй,
Тахтда Туриб Тожингизни Топдингизми,
Танлаб-Танлаб Тенгингизни Топдингизми?

Тасодифан Танишгандик Телба-Телба,
Топишдигу, Тиллашмадик Тавба-Тавба,
Тиник-Тиник Тунларимиз Тийра-Тийра,
Талаффузлар Талабларга Ташна-Ташна,
Тилло Тўла Тоғингизни Топдингизми,
Танлаб-Танлаб Тенгингизни Топдингизми?

Тафтингизга Тўйиб-Тўйиб Туролмадим,
Тоқатим Ток, Танҳоимни Тополмадим,
Тилни Тишлаб, Томоғимни Тишломадим,
Туйғуларни Тарозига Ташломадим,
Тарозию Тошингизни Топдингизми,
Танлаб-Танлаб Тенгингизни Топдингизми?

Тентаккинам, Тўрт Томонга Тузоқ Тузиб,
Тўкилмангиз, Тизгинимга Тугун Тизиб,
Тиришасиз, Тўфонлардек Тўсиб-Тўсиб,
Термуласиз – Тўзонларда Тўзиб-Тўзиб,
Тундан Тониб Тонгингизни Топдингизми,
Танлаб-Танлаб Тенгингизни Топдингизми?

19.05.2009 йил.

Қадрингиз билмаган ёмон ўзимман,
Ранжитган ношудман, нодон ўзимман,
Ўз ҳолига ўзи ҳайрон ўзимман,
Күнглингизга олманг хатоларимни.

Кечириңг, мен телба савдойини сиз,
Майли, беринг жоним жазойимни сиз,
Бу дунёда кимман айтинг сизнингсиз,
Күнглингизга олманг хатоларимни.

Сиз хафа бўлсангиз, кулай қандайман,
Сиз йифлаган куни мен ҳам хафаман,
Мен ҳам бандаманда, фариштамасман,
Күнглингизга олманг хатоларимни.

Биласиз-ку дарров ёниб ўчаман,
Баъзида кимгадир захрим сочаман,
Ахир сиздан тониб, қандай кечаман,
Күнглингизга олманг хатоларимни.

Мен ҳам сизни сиздан қамроқ севмасман,
Оддий ошиқ бўлсам, қози эмасман,
Мен деб йифласангиз рози эмасман,
Күнглингизга олманг хатоларимни.

Ҳеч нарса ўзгармас, ичсамам қасам,
Ўзим қийналяпман сизга қарасам,
Нима қилай ахир ўзгаролмасам,
Күнглингизга олманг хатоларимни...

Бу охиргиси деб алдагим келмас,
Юрагим бир сиздан ўзгани демас,
Бирор бошқа йўлин қилингда хуллас,
Күнглингизга олманг хатоларимни.

29.12.2009й.

Юрагингиз занжиirlаб,
Қалбимга кирма дейсиз,
Ранжитмадим атайлаб,
Борим шу нима дейсиз.

Шартакиман, шаддодман,
Ёлғончиликдан ётман,
Ҳафа қилдим наҳот - ман,
Борим шу нима дейсиз.

Айтай бир ҳақиқатни,
Хушламам, хиёнатни,
Билмайман хушомадни,
Борим шу нима дейсиз.

Онам шундай ўргатган,
Минг хил товланма деган,
Шўхлик отамдан ўтган,
Борим шу нима дейсиз.

Қизларга қарасам бас,
Юракда бошланар рақс,
Бу енгилтаклиқ эмас,
Борим шу нима дейсиз.

Не бўлар бир йилдан сўнг,
Кўнмасангиз кўча кенг,
Қуюларман тўйдан сўнг,
Борим шу нима дейсиз.

Аҳадни ғамин еманг,
Уни хато тушунманг,
Фақат, ўзгаринг деманг,
Борим шу нима дейсиз.

09.07.2009 йил

Ҳазил-ҳазил билан кўришиб қолдик,
Ҳазил-ҳазил билан танишиб қолдик,
Мос чиқиб қолдик-да бир-биримизга,
Ҳазил-ҳазил билан севишиб қолдик.

Бўлди энди жиддий бўламиз дедик,
Иккимиз ҳам буни эплай олмадик,
Яширмадик асло дил сиримизни,
Менимча иккимиз хато қилмадик.

Ҳазил-ҳазил билан исмини билдим,
Ҳазил-ҳазил билан қўнғироқ қилдим,
Мени ҳам таништир онанг билан деб,
Ҳазил-ҳазил билан уйига бордим.

Битта ҳазил гапим туйга айланди,
Тақдирнинг ҳазили менга аталди,
Нима бўлганда ҳам баҳтимни топдим,
Охири ҳазилим чинга айланди.

Хазил-ҳазил билан онамга айтдим,
Айтдим-у шу кундан балога қолдим,
Дўстларим, Аҳадни тўғри тушунинг,
Ҳазил-ҳазил билан уйланиб олдим.

08.07.2009 йил

Дунёни қирқ марта дайдиб келаман,
Бир кун ёнингизга қайтиб келаман,
Сиз учун ҳар қандай азобни енгиб-
Нима бўлганда ҳам сизни севаман.

Ўйламанг, ёш ўтар фасли баҳорим,
Хуснимни йўқотсан, йўқотсан борим,
Мендан бошқасини танлайди ёрим-
Нима бўлганда ҳам сизни севаман.

Юракдан бутунлай юлиб ёлғонни,
Ёлғон хаёллар-ла қийнаманг жонни,
Азизим, кўнгилдан хайданг гумонни,
Нима бўлганда ҳам сизни севаман.

Тушларимда кирган юзни севаман,
Мен учун аталган сўзни севаман,
Менсиз яшолмаган қизни севаман,
Нима бўлганда ҳам сизни севаман.

Ўпидардоқлайман изларингизни,
Гулларга тўлдургум кўзларингизни,
Аҳадга узатинг қўлларингизни,
Нима бўлганда ҳам сизни севаман.

24.07.2009 йил.

Айрилиғу хижрон нафратдан гўзал,
Бедорлик ишратдан, фафлатдан гўзал,
Севги деб ҳар лаҳза қон тупурсам ҳам,
Бу азоб минг битта роҳатдан гўзал.

17.07.2009 й.

Сен эртамизни ўйлаб,
Ғам емагин азизам.
Ҳозиргидек севгайман,
Йигирма йил ўтса ҳам...

Илк бор учатганимдек,
Ҳайрат билан қарайман.
Ўзгармаслигим аниқ,
Йигирма йил ўтса ҳам...

Ҳар кун севаман дейман,
Сени ғамингни ейман,
Ҳеч қачон ранжитмайман,
Йигирма йил ўтса ҳам...

Ёзиб ҳам бергум тилхат,
Натариусдан печатлаб,
Қалбим-бу сертификат,
Йигирма йил ўтса ҳам...

Бузилганда қоматинг,
Кетганда ҳам омадинг,
Содик қолгай Аҳадинг,
Йигирма йил ўтса ҳам...

ФАРИШТАГИНAM...

Мен учун ғам ютдинг, кўзларингда нам,
Не дарддан кўзларинг маъюс бунча ҳам,
Бахтнинг саройига бирга борамиз,
Йиғлама, ўзимнинг фариштагинам.

Ҳаёт кўчасида адашдим билмай,
Сенинг соф севгингни кўзларим кўрмай,
Айтгин, гуноҳимни мен қандай ювай,
Йиғлама, ўзимнинг фариштагинам.

Ношудман, қадрингни билмадим кечир,
Ҳолинг не деб бир бор сўрмадим кечир,
Олддан оқкан сувни кўрмадим кечир,
Йиғлама, ўзимнинг фариштагинам.

Дардларим айтмоқка сўзлар етмайди,
Сени ўйламай бир оним ўтмайди,
Йиғласанг, кўнглимдан ҳасрат кетмайди,
Йиғлама, ўзимнинг фариштагинам.

Жондан кечганимдир, сендан кечганим,
Ёдимда севгимга қасам ичганим,
Етар, ўзи менинг йиғлаганларим,
Йиғлама, ўзимнинг фариштагинам.

Сендан олисларда бўлдим не бўлсам,
Сени йиғлатгунча бўлмасми ўлсам,
Бир умр бағрингни баҳтга тўлдирсан,
Йиғлама, ўзимнинг фариштагинам.

21.01.2010й.

Сочларинг савдоси ўлдирап Раъно,
Нозларинг ғавғоси ўлдирап Раъно,
Суҳбатинг мавжидада маст сузар руҳим,
Сўзларинг дарёси ўлдирап Раъно.

Ўлдиради мени қилич қоматинг,
Мендан ошиқларинг сенинг омадинг,
Сени деб гул терсан нега олмадинг,
Шартларинг биноси ўлдирап Раъно.

Гилослар лабингдан хижолатдадур,
Юлдузлар кўзингдан шикоятдадур,
Тану жон ортингдан итоатдадур,
Тушларим маъноси ўлдирап Раъно.

Айтган бу сўзларим ёлғонми ё айт,
Ботир Зокировга учровдинг қай пайт,
У-ку ўлиб кетди менгами навбат,
Ошиқлик жазоси ўлдирап Раъно.

Бармоғинг учида жонимни олгин,
Кулгунг жарангида жонимни олгин,
Майли Азройилни ўрнига келгин,
Йўқса, дил садоси ўлдирап Раъно,
Кўнгиллар видоси ўлдирап Раъно.

Севгинг куймаганни куйдирап Раъно,
Шартларинг жонимдан тўйдирап Раъно,
Бир боқиб оромим ўғирлаган гул,
Чиройинг суймаганни сўйдирап Раъно.

24.09.2009йил

Буни қандай,
Сезиб қолдим.
Сени жондай,
Севиб қолдим.

Ғамга түлиб,
Телба бўлиб,
Бир бор кўриб,
Севиб қолдим.

Ишқ-бу ханжар,
Жонга санчар,
Дилни янчар,
Севиб қолдим.

Пешонам шўр,
Йўлларим тўр,
Кўзларим кўр,
Севиб қолдим.

Қўлим титрар,
Тилим титрар,
Дилим титрар,
Севиб қолдим.

Севиб қолдим,
Сени қайдан,
Кўриб қолиб,
Суратингдан...

21.11.2009й.

Сизга қанча меҳрим берсам ҳам,
Тўймадингиз, тўймадингизда.
Энди фақат мен сизни дейман,
Қўймадингиз, қўймадингиз-да.

Муҳаббат излайсиз кўзимдан,
Қолманг дейсиз жоним ўзимдан,
Шарпадек кезасиз изимдан,
Қўймадингиз, қўймадингиз-да.

Хоҳланг йиглаб, хоҳланг куламан,
Сиз истаган ошиқ бўламан,
Севиш керак бўлса севаман,
Қўймадингиз, қўймадингиз-да.

Фарқи йўқдир, ҳазилми чинми,
Энди танлаб бўлдим мен сизни,
Олай энди бир кўнглингизни,
Кўймадингиз, кўймадингиз-да.

Бўлди етар хавотир олманг,
Қалбингизни шубҳага солманг,
Сизга рухсат ортимдан қолманг,
Кўймадингиз, кўймадингиз-да.

Кўқдан юлдуз узиб бераман,
Ғам деворин бузиб бераман,
Ҳатто шеър ҳам ёзиб бераман,
Кўймадингиз, кўймадингиз-да.

Биласиз-ку менинг кимлигим,
Эҳтиросга дарров берилгум,
Севги деса жуда бўш кўнглим,
Кўймадингиз, кўймадингиз-да.

Дилда-ўт, ёшликми бу,
Ёшлик-бебошликми бу,
Бебошилик, шўхликми бу,
Қизми бу, кийикми бу?

Чашми хумори жайрон,
Жиловламоқ даргумон,
Қўлингдан қочар чақкон,
Қизми бу, кийикми бу?

Ёнидан ўтолмайсан,
Тўр ташлаб тутолмайсан,
Қувлама етолмайсан,
Қизми бу, кийикми бу?

Бормисиз эй бўйдоқлар,
Ташлаб кўринг қармоқлар,
Ҳаммангизни бир боблар,
Қизми бу, кийикми бу?

Сира гапга кирмайди,
Жонга раҳм қилмайди,
Ҳечам авраб бўлмайди,
Қизми бу, кийикми бу?

БУХОРОЧА МУҲАББАТ

Бизнинг юртда ёшлар асли шўх бўлади,
Қизларининг кўзи тундек тим бўлади,
Бухорода севги шарти бошқачадир,
Бухороча муҳаббатни ким билади.

Уйланади йигит қизни кўрмай туриб,
Қиз ҳам қўнар қаллигини билмай туриб,
Ўз бахтига ишонади севмай туриб,
Бухороча муҳаббатни ким билади.

Сиз сўрасиз қаламқошлар нархи қанча,
Азим шаҳар бўйи баланд анча-мунча,
Келинни сиз кўролмайсиз тўй ўтгунча,
Бухороча муҳаббатни ким билади.

Оилалар бир бирини билса бўлди,
Тўйдан кейин бирга баҳтли бўлса бўлди,
Ўн-ўн беш йил ўтиб, кейин севса бўлди,
Бухороча муҳаббатни ким билади.

Ким билади Шофирконча одатларни,
Фиждувонча улфатларни, овқатларни,
Тўй кечаси синашади омадларин,
Бухороча муҳаббатни ким билади.

19.11.2009й.

Рашк-у аразларингдан,
Нетай тўйдим-да.
Хафа бўлмагин мандан,
Айтдим қўйдим-да.

Сен чиқарсанг жаҳлимни,
Йўқотаман ақлимни,
Ростга йўйма гапимни,
Айтдим қўйдим-да.

Дарров тушун кўнглимни,
Боғламайин йўлимни,
Биласан-ку феълимни,
Айтдим қўйдим-да.

Бу менга одат эмас,
Бу сенга токат эмас,
Асло ҳақорат эмас,
Айтдим күйдим-да.

Ахир, севганим рост-ку,
Ахир, бу менга хос-ку,
Биринчи мартамас-ку,
Айтдим күйдим-да.

18.12.2009й

Билсанг билмасанг, келсанг келмасанг,
Менга барибир, севсанг севмасанг.
Сўра кўзгудан, сўйлар бир сирдан.
Лабда бўёғинг, мени қонимдан...

Ичсанг ичмасанг, кучсанг қучмасанг,
Менга барибир, кетсанг кетмасанг...
Яна айтаман сенга, бунчалар гумон нега,
Севгилим ишон менга, кутсанг, кутмасанг.
Жонингга жон бўламан, сен деб йиглаб-куламан,
Дардларингни оламан, билсанг, билмасанг.
Бузмай эски қасамни, ўйлаб ҳар бир қадамни,
Бажараман ваъдами, келсанг, келмасанг.
Йўлларимни кут мани, қўлларимдан тут мани,
Гуноҳимдан ўт мани, айтсанг, айтмасанг.
Армонларни бошлатмай, юрагингни ғашлатмай,
Кўзларингни ёшлатмай, қайтсанг, қайтмасанг.
Айтсанг айтмасанг, қайтсанг қайтмасанг,
Менга барибир, кутсанг кутмасанг.
Сўра кўзгудан, сўйлар бир сирдан.
Лабда бўёғинг, мени қонимдан...

27.12.2009й.

БОҒБОН КЎПАЙДИ

(Э.Вохидовга)

Орзуни кўп қилдим, армон кўпайди,
Маслаҳат ош қилдим, нодон кўпайди,
Ер очдим, сув келди, кейин боғ бўлди,
Мевага кирганда боғбон кўпайди.

Камалакнинг айвонларидан,
Юрагимнинг осмонларидан,
Ошикларнинг маконларидан,
Мени излагин...

Тополмасанг у ердан ҳам,
Ғам емагин фариштагинам,
Манзилимни сўраб ўзимдан,
Мени излагин...

Ишонмайин ёлғонларга сен,
Ўрин берма гумонларга сен,
Ёлғиз бориб вайронларга сен,
Мени излагин...

Биттагина йилт этган учкун,
Алангага айланар бир кун,
Ёлғон дунё этмаса мафтун,
Мени излагин...

Демасман, пул тиллони изла,
Ғавғо ковлаб, балони изла,
Ҳаётингга маънони изла,
Мени излагин...

21.11.2009й

Жуда олисадасан
етмайди қўлим,
Жуда яқиндасан
мисоли ўлим.
Сен мени бир умр
ёлғиз қолдириб,
Ташлаб ҳам кетмайсан
сезади кўнглим...

Нигохларинг дунё, дунё,
Қарашиң бир маъно, маъно.
Сўзларинг кўп доно, доно,
Гулираъно, Гулираъно.

Ишқингда мен ўзим адо,
Жамолингга этдинг шайдо.
Йўлларингга бўлдим пайдо,
Гулираъно, Гулираъно.
Дардимга бўл ўзинг даво,
Сочгин боғим ичра зиё.
Сенсан гуллар ичра танҳо
Гулираъно, Гулираъно.

Сен гул, мен булбулигўё,
Хаётимга бўлгин маъно.
Қалбимга ўзингсан подшо,
Гулираъно, Гулираъно.

На илож, ўзгани танлабсан бугун,
Менда ҳам озгина кўнглинг йўқмикин,
Менга учрамадинг аввалроқ нечун,
Ўзингга ўҳшаган синглинг йўқмикин.

Не дердим, баҳтли бўл, аҳдли бўл дейман,
Яна дилда бироз севгинг йўқмикин,
Тўйингга боролмай, жонни қийнайман,
Ўзингга ўҳшаган синглинг йўқмикин.

Менга ўҳшагани ягона дейсан,
Мендек ошифингга раҳминг йўқмикин,
Кўксим осмонида юлдузсан, ойсан,
Ўзингга ўҳшаган синглинг йўқмикин.

Айтмасман уни кўй, мен билан бўл деб,
Юракни алдашни йўли йўқмикин,
Ўшани севардим сени унутиб,
Ўзингга ўҳшаган синглинг йўқмикин.

Эртакка ишонмас эди-ку Аҳад,
Уни овутгали сехринг йўқмикин,
Кўнгилда биргина орзуйим факат,
Ўзингга ўҳшаган синглинг йўқмикин.

Ширин тушни бугун йўйдим ёлғонга,
Айрилиқ ҳеч ором бермайди жонга,
Ўз жуфтини топиб сархуш осмонга,
Оқ либосда учиб кетдинг оққушдек.

Кечаги баҳтимни эслайман тушдек,
Хотиралар дилга санчилар нишдек,
Мен тупроққа, сен осмонга бўлишдик,
Оқ либосда учиб кетдинг оққушдек.

Фалакларнинг қўнгиригин чалдириб,
Суйганингни кучогини тўлдириб,
Мен ғарибни шундай ёлғиз қолдириб,
Оқ либосда учиб кетдинг оққушдек.

Кўкнинг етти дарвозаси очилди,
Никоҳ учун минглаб қасам ичилди,
Тил учида менга кафан бичилди,
Оқ либосда учиб кетдинг оққушдек.

23.11.2009й.

Ҳар тонг кўз очмай туриб,
УЙГОНИШдан қўрқаман,
Аввал туйғу,
Кейин орзу,
Кейин қайғу.

Бунга сабаб,
Фақат севги,
Фақат севги...

Иғво қиласкерма нодон,
Ҳадеб ортимдан.
Балки эрта ишинг битар,
Менинг отимдан.

НАСИБАМ

Ой тўлган оқшомда ойдек тўлмайин,
Ўзганинг бағрида сўлдинг Насибам.
Пешонамда ёзган бахтим бўлмайин,
Бошқага насиба бўлдинг Насибам.

Афсус ёлғонларга кетдинг, чингамас,
Нечун йўлни чапга бурдинг ўнггамас,
Менга кўнгил бериб, жоним менгамас,
Бошқага насиба бўлдинг Насибам.

Ўзим исёнкорман, ўзим исёнман,
Қалдирғочлари тарк этган айвонман,
Ҳамон тушунолмай лолу ҳайронман,
Бошқага насиба бўлдинг Насибам.

Насибам, юракка ошно бўлди ғам,
Насибам, сени деб кўзларимда нам,
Насибам, ўшандан менинг нимам кам,
Бошқага насиба бўлдинг Насибам.

Ёмон тушларимни этиб кетдинг рост,
Арzonга номусин сотганларга хос,
Ўзингга ё мени билмадингми мос,
Бошқага насиба бўлдинг Насибам.

Ой тўлган оқшомда ойдек тўлмайин,
Ўзганинг бағрида сўлдинг Насибам.
Пешонамда ёзган бахтим бўлмайин,
Бошқага насиба бўлдинг Насибам.

5.12.2009й.

Дилрабо,
қаршингда хижрон дастидан,
Қанча-қанча мағрур бошлар эгилди.
Сездингми изтироб остонасида,
Бир шоир туғилди,
шоир туғилди...

ТИЛЛО УЗУК

Тилло узук, гапир энди тилло узук,
Бузилдими тақдир энди тилло узук,
Гувоҳ бўлдинг бугун ёлғон никоҳга сен,
Тўй ўтдими ахир энди тилло узук.

Тилло узук, ўзи менга аталгандинг,
Кўлларимга сиртмоқ бўлиб қадалгандинг,
Бошқа қўлда қандай қилиб баҳт топасан,
Алам қилмайдими энди алданганинг.

Тилло узук, гапир энди тилло узук,
Тешилдику бағир энди тилло узук,
Ўша қизга севгимизни эслатиб тур,
Кўришмаймиз хайр энди тилло узук.

Хаёл бўлди, баҳтим мани хаёл бўлди,
Савол бўлди, бутун умрим савол бўлди,
Кечагина ўз бағримда кулган у қиз,
Энди ўзга қуchoғида аёл бўлди.

Тилло узук, гапир энди тилло узук,
Иккимизга оғир энди тилло узук,
Ким учраса баҳтли бўл деб қўл қисардим,
Баҳтсиз қолдим охир энди тилло узук.

Ёниб турган кўзчаларинг ёқутданми,
Марваридми ёки кумуш ё дурданми,
Мен ўчимни кимдан олай айтгин энди,
Севгиданми ёки сендан тақдирданми?

Тилло узук, гапир энди, гапир энди,
Нега жимсан, сўзлолмасанг жим тур энди,
Бориб айтгил, ўша юзсиз беномусга,
Баҳтин топсин Аҳадга барибир энди.

07.07.2009 йил

Ҳар бир гўзал гулни кўрсам сени эслаб-
Гулсиз йўлдан юрар бўлсам ўлсам керак,
Агар ўлсам, гул юзингни кўрмоқ учун-
Жаннатдан ҳам ҳатто қайтиб келсам керак.

Күзимда нима айб мен кутган бўлсам,
Тилимда нима айб мен айтган бўлсам,
Юракни қийнама унинг айби йўқ,
Дилимда нима айб мен севган бўлсам.

Кечир, гуноҳ бўлса сени кутганим,
Севаман деб қайта-қайта айтганим,
Кечир, тушларингга кирганим учун,
Кечир, гуноҳ бўлса сени севганим.

Бўйнингдан занжирдек очилиб кетдим,
Тупрокқа маржондек сочилиб кетдим,
Пойингга тиз чўкдим гуноҳим не деб,
Боқмадинг, пойингда янчилиб кеттим.

Ёмгирин тўколмай булут хўрсинар,
Қоялар бағридан бургут хўрсинар,
Ўлган севгимизни қайга кўмаман,
Юракка тор келиб тобут хўрсинар.

Кўзларим ҳар йўлдан сени пойлайди,
Хаёлим тилимда исминг чайнайди,
Бир лаҳза жаҳлидан тушолмас юрак,
Қирқ бир даражада қоним қайнайди.

Аҳад девонасан, Аҳад телбасан,
Тупрокқа нима айб уни тепасан,
Ҳаммасин тушуниб ўзи келади,
Бахтинг керак бўлса бироз кутасан.

08.07.2009 йил

Бунчалик севмасдим ёнимда бўлсанг,
Ёдимда бўлсанг бас, ёдимда бўлсанг,
Ҳар баҳор қабримда гуллар очилар,
Агар ўлгунимча қалбимда бўлсанг.

ЗАР САНДИҚ

Совчилардан сеплар келса ҳар сандиққа,
Мендан кечиб сотилдингми зар сандиққа,
Бор дунёни йифиб келиб бойнинг ўғли,
Бирозгина солмабди-да ор сандиққа.

Мингтасини кўравериб сендекларни,
Юборгандир тузоқ қилиб сандиқларни,
Йўқса кўриб қулоғингда чандикларни,
Солгандир-ов ҳаётингга дор сандиққа.

Тўй овози қулоғимга чалинади,
Дўстим келиб тўйга юр деб ялинади,
Мухаббатим дунёга ҳам сиғмас дердинг,
Бутун дунё сиғибди-да тор сандиққа.

Муз қоплади бугун Аҳад вужудини,
Увол қилма севгимизни нобудини,
Сандиқ эмас олдинг мени тобутимни,
Қабримдир-у, ёғар энди қор сандиққа.

05.09.2009 йил

Кутмаган эдим сандан,
Кўнглинг йўқмиди манда.
Ўзасин севаркансан,
Гап буёғда эканда.

Индамай писиб юриб,
Гўёки қалбинг бериб,
Кетдингку юзинг буриб,
Гап буёғда эканда.

Шунакада соддама-эй,
Хеч нарса сезмабман-эй,
Ёмон чиқдингку сен-эй,
Гап буёғда эканда.

Аҳду паймонлар қани,
Кўзлагандинг нимани,
Кўрқитиб қўйдинг мани,
Гап буёғда эканда.

Иккита йигитни бирдан,
Балиқдек илдинг тўрдан,

Қойил қолдирдинг, зўрсан,
Гап буёғда эканда.

Қовушмай гапинг-гапга,
Чалингандек бир дардга,
Ўтибсан хиёнатга,
Гап буёғда эканда.

Шаббода майнин эсса,
Уни шамол демайман,
Севгим бир келиб кетса,
Уни висол демайман.

Дилга баҳт йўлламаса,
Бир яшнаб гулламаса,
Орзуга ўрамаса,
Уни баҳор демайман.

Дунё ғамин емайман,
Севмагани севмайман,
Чорламаса келмайман,
Ишқни хаёл демайман.

Дилга дардинг юклама,
Керак пайтда ухлама,
Биламан, ноз реклама,
Сени маккор демайман.

Демайман, Йўқ демайман,
Мен томон боқ демайман,
Дилга ўт ёқ демайман,
Менга бўл зор демайман.

Учса ҳам самолётлар,
Бўшаса аэропортлар,
Кемасиз қолса портлар,
Сенам йўқол демайман.

Кечиргин мен телбани,
Таблетка деб тугмани,
Тугма дейман тангани,
Бу бир мисол демайман.

Шеърдан тўлган дискетам,
Оёқда ипсиз кетам,
Бўм бўш бўлса ҳам киссан,
Аҳад ночор демайман.

Шаббода майин эssa,
Уни шамол демайман,
Севгим бир келиб кетса,
Уни висол демайман.

Бой куёвга бой келин,
Бир бирига зор экан.
Орзу қилдиму лекин,
Бизга ҳали бор экан.

Юрдим ижод йўлида,
Гоҳи гулзор гоҳ тикан.
Шоҳ Машрабга етишга,
Бизга ҳали бор экан.

Навниҳолман ингичка,
Мени қўлла эй Ватан.
Сенга УСТУН бўлишга,
Менга ҳали бор экан.

Ҳавас барибир яхши,
Ҳасад ўлдирап экан.
Эғир машхурлик тоши,
Менга ҳали бор экан.

Ҳамма ёғинг бут бўлиб,
Даврон сурсанг зўр экан.
Гиришсамда интилиб,
Менга ҳали бор экан.

23.09.2009йил

ИЖАРАДА

Шундок ён хонамда яшайди бир киз,
На ийглар, на кулар дилин очмайди,
Үйлайман, гул умри ўтятти эсиз,
Тўртинчи қаватда чироқ ўчмайди...

Ўқиши тугатди уч ой муқаддам,
На ишлар, на бирон ёққа кўчмайди,
Уни қийнамоқда билмадим не ғам,
Тўртинчи қаватда чироқ ўчмайди...

Эртага қишлоққа қайтаман афсус,
Сўнг яна ўйлайман кетиш қочмайди,
Мен бедор, у бедор иккимиз ёлғиз,
Тўртинчи қаватда чироқ ўчмайди...

Деразадан кузнинг нафаси келар,
Дайди хаёлларим қайга учмайди,
Ёнига бораман не бўлса бўлар,
Тўртинчи қаватда чироқ ўчмайди...

Нима, нари борса уйланаманда,
Йигит сўз бердими қасам ичмайди,
Фақат мени дейди у, биламанда,
Бўлмаса бу ердан нега кўчмайди...

Эртага августнинг охирги куни,
Хўжайнинга ҳеч ким эшик очмайди,
Қандай тўлаймиз-а ижара пулни,
Тўртинчи қаватда чироқ ўчмайди...

Ростдан севаманми Гулини ёки,
Мен излаган қизга жуда ўхшайди,
У агар мен билан бўлмасдан токи,
Тўртинчи қаватда чироқ ўчмайди...

20.07.2008 йил

Кимлар севиб күйдилар,
Ишонмай ҳам қўйдилар,
Бу хаётмас, бу тушмас-
Буни севги дейдилар.

Чарсиллайди қадамлар,
Ўтда ёнар қаламлар,
Тушунинг эй одамлар,
Буни севги дейдилар.

Қорнингизни тўйдирмас,
Зардан либос кийдирмас,
Жонни олар билдирилас,
Буни севги дейдилар.

Ўлимдан ҳам кутқарган,
Бўйнингдан дор ўткарган,
Чидаганга чиқарган-
Буни севги дейдилар.

Кимлар жондан тўйдилар,
Билиб-бilmай суйдилар,
Ҳамон ошиқдир Аҳад-
Буни севги дейдилар.

30.07.2009 йил

ЮЛДУЗНИ СОГИНДИМ ...

Тунлари дард айтсан армонга,
Юрагим хушламас кундузни,
Яшагим келяпти осмонда,
Юлдузни соғиндим, юлдузни.

Настаринлар очмоқда ғунча,
Қизил олма пишиб етгунча,
Соғинтириб яшайди бунча,
Юлдузни соғиндим, юлдузни.

Дил торимнинг ҳамрози эди,
Охларимнинг овози эди,
Рухим қилич, фалакка етди,
Юлдузни соғиндим, юлдузни.

Юлдузликка қилиб даъволар,
Осмон узра сочиб ғавғолар,
Боридан ҳам бўлди жудолар,
Юлдузни соғиндим, юлдузни.

Ишқиз эшак, дардсиз кесакдир,
Худо севган банда юксакдир,
Бахт бермаса пул ҳам хашақдир,
Юлдузни соғиндим, юлдузни.

Нима бўлди дўстлар оқшомга,
Қаро булат тўлди осмонга,
Аҳад ёзмас қараб замонга,
Юлдузни соғиндим, юлдузни.

ДАРВЕШОНА

Дили йўқнинг пули бор,
Пули йўқнинг дили бор,
Бу дунёда дўстларим,
Ҳар кимнинг ўз йўли бор.

Ошиқча май керакдир,
Ҳофизга най керакдир,
Майли ярим бўлса ҳам,
Осмонга ой керакдир.

Дононинг нақли бордир,
Оқилнинг ақли бордир,
Бесабаб отмайдилар,
Тошнинг ҳам нархи бордир.

Ёзда ҳам қорни кўрдим,
Масжидда дорни кўрдим,
Совуқ деманг тоғларни,
Ичида ғорни кўрдим.

Бозорни шайтон қурди,
Мозорни иймон қурди,
Ўз қабрини қазганни,
Айтинг дўстлар ким кўрди.

ОҚ КАБУТАР

Оқ кабутар, күзларимга боқ кабутар,
Оқ кабутар юракка ўт ёқ кабутар,
Орзуларим ерда чириб кетмасидан,
Осмонингга олиб кетгин оқ кабутар!

Одам бўлиб, одамлардек яшолмадим,
Нима қиласай, бошқаларга ўхшолмадим,
Қайлардасан қанотларинг ушлолмадим,
Осмонингга олиб кетгин оқ кабутар!

Кабутарим кечолмадим хаёллардан,
Дардларимга даво топдим армонлардан,
Чарчадим мен жон меҳрибон душманлардан,
Осмонингга олиб кетгин оқ кабутар!

Ҳеч бўлмаса елкамга бир қўниб кетгин,
Бошимдаги ташвишларим тиниб кетсин,
Юраккинам умидларга тўлиб кетсин,
Осмонингга олиб кетгин оқ кабутар!

Эй күшгинам, Хумомисан, Ҳаккушмисан,
Тошшаҳарда тошлар каби хомушмисан,
Юлдузларга боргим келса танишмисан,
Осмонингга олиб кетгин оқ кабутар!

Олиб кетгин мени оппоқ булатларга,
Кўрсатмагин мени олчоқ бургутларга,
Яшай дейман жаннатдайин худудларга.
Осмонингга олиб кетгин оқ кабутар!

Тўйиб кетдим қарғалар-у, зоғларингдан,
Булбулларинг тиндими ё боғларингдан,
Аҳаддайин юрак бағри доғларингдан,
Тумшуғингга солиб кетгин оқ кабутар,
Осмонингга олиб кетгин оқ кабутар!

20.08.2009 йил

Мен келдим, турибман останангда жим,
Юрагим эскирган мактубдек гижим,
Фаслий хасратларга түлгандир ичим,
Севгилим, севгингни соғиниб қайтдим.
Ёнингга оғриниб, оғриниб қайтдим.

Келдим, ўша эски суратим билан,
Умидим уйғотган журъатим билан,
Хазонлар айтмоқда пойимда ўлан,
Умримдан топмайин ҳеч ривож қайтдим,
Пушаймондан ўзга йўқ илож қайтдим.

Ўйлардим, муҳаббат бир ўйин холос,
Севги борлигига ишонмасдим, рост.
Ногаҳон чақмоқдек келди бир овоз,
Яна ишқ майдан ичир деб қайтдим,
Азизим, сўнгги бор кечир деб қайтдим.

Бас, тамом, айтгали сўзим қолмади,
Сенга қарамоққа кўзим қолмади,
Яна келмоқликка юзим қолмади,
Ишонгин, ёнингга сўнгги бор қайтдим,
Вафодан ўзимга сўраб дор қайтдим...

Бир елкада иймон, бирида шайтон,
Бирида ҳақиқат, бирида ёлғон,
Ўртада оввора бечора инсон,
Кимдир боғ яратар,
Кимнинг кўли қон,
Зўр бўлсанг йўлингга қўйишар қопқон,
Кип арслон, ким қуён, ким эса илон,
Эй дўстлар...

Меҳмонмиз ахир биз бу дунёга,
Ҳайронман боқиб ёлғон савдога,
Соғ бошиңгни кимлар қўяр ғавғога,
Осмонлардан боқар, синови боқий,
Май ҳам ўзирадир, ўзирир сокий,
Ишқ бу ибодатдир, ишқ бу илохий,
Эй дўстлар...

Кимни омад, кимни кулфат қаршилар,
Пок номинг тұхаттаға қорар ваҳшийлар,
Бормисиз құл беринг, қани яхшилар,
Ҳаёттинг түсігу зарбалари күп,
Ёмоннинг макрию, нағмалари күп,
Умрнинг оқ қора саҳналари күп,
Эй дүстлар...

Эй дүстлар айтингчи, манманлик нечун,
Эрта учун, дүстлар не қылдик бугун,
Чорасизликда Аҳад йиғлар беун,
Оппоқ тонгларингиз этманғ қаро тун,
Бу дунёга ҳеч ким бўлолмас устун,
Бахтнинг манзилидан бўлмайлик маҳрум,
Эй дүстлар...

11.09 28.11.2010й.

Хатолар суратин қучган азоблар (ГҮРКУМ)

I

1. Исмсиз сукутнинг ваҳимаси күп,
Енгилтак беванинг тушидек...
2. Пушаймонни қаҳридан эмас,
Орзуларни захридан қочинг...
3. Армонни етим қолдиргандим,
ДАРДга айланиб бурнимни қонатди...
4. Мен бугун күп нарсага тушундим.
Энди ҳеч қачон кўрсичқондан
таъна қилмайман...
5. Мен ўзимни ўзим таъқиб қилишни,
бошлаган куним дунёга келганман...
Менга бошқа душманни кераги йўқ.
6. Шундай оғир аҳволда ҳам
тарозининг палласига
тош ташлаб чарчамаяпман...

Хатолар суратин қучган азоблар (туркүм)

II

1. Айрилик. Дард. Унутилиш...
Севги. Соғинч. Кутиш-кутилиш...
Ақл. Юрек. Күнгил. Куйилиш...
Мен БОШҚА нарсадан азоб чекяпман.
2. Күзларимни очсам ҳам, юмсам ҳам,
Худди киприкларимдек
ВИЖДОН соқчилик қиласы...
3. Иймонни дүстлигига ҳам ишонмай күйдим...
Үзим эсламасам мени эсламайдиям.
Шу борада баъзан шайтонга қойил қолгим келади.
4. Мени тушунмадингиз-а,
Битта камбағал билан битта бой-
Бутун юртни ахволини билдириши мумкун, ахир...
5. Факат ном қолдириб, нон топиш учун
шоир бўлгандан кўра, далага чиқиб
ер хайдасанг,
кимгадир фойданг тегади...
Мана, мени азобим,
сизни суратингиз...
6. Қанотларим осмонни кўзлаб турган бир пайтда
Оёғим ердан ажралмаяпти...
Икковиниям айтганини қилишни
Иложи бор Аҳад Қаюм...
Ўйлаяпсанми?...

24.07.2009йил.

Хатолар суратин қучган азоблар (туркум)

III

1. Бир шаллақини деб сизни унудим...
Үзим эса ундан баттарроқ чиқдим,
Илтимос сиздан,
Күзларимни ўғирлаб кетинг...
2. Бугун мени роса мақтадилар,
Илонни сутини ичириб...
Жуда шириң экан заҳар бўлса ҳам.
3. Энди эртакка ишонмайман.
Чунки кеча оқшомда,
Тушимда қора рухни кўрдим.
4. Ёмғирнинг ҳар бир томчиси,
Ёз бўлишига қарамай,
Бошимга тошдек уриляпти.
5. Одамнинг суяги
Ўзидан кўра акллироқдир.
Кундан-кунга суяқдек
оқариб кетяпман шуни ўйлаб...
6. Бугун Рауф Парфининг
шарпаси, қоғознинг устига
изғиб юрибди,
етим чумолидек...

29.08.2009 йил

ЭНДИ СЕВМАЙМАН...

Айрилиқнинг жабрига, кўнди юрагим кўнди,
Ёлғиз ўттай майлига, энди, севмайман, энди.

Очдим энди кўзимни, асрайман ҳар сўзимни,
Алдамайман ўзимни, энди, севмайман, энди.

Йиғласанг ҳам кулсанг ҳам, минг бор кечир десанг ҳам,
Яна қайтиб келсанг ҳам, энди, севмайман, энди.

Гул деб олибман хасни, ёлғон берибман лафзни,
Мухаббат деб ҳавасни, энди, севмайман, энди.

Ошиқлар бу касаллар, битдим қанча ғазаллар,
Кечириңг эй гўзаллар, энди, севмайман, энди.

Майли севмай-севилиб, оёғингга йиқилиб,
Эҳтиросга берилиб, энди, севмайман, энди.

Ишқ дедим ўлиб бўлдим, дил бериб суйиб бўлдим,
Бир марта кўйиб бўлдим, энди, севмайман, энди.

Шубҳа киляпсиз нега, тураман шу сўзимга,
Ишонаверинг менга, энди, севмайман, энди.

Аҳад учун барибир, тасодифми ё тақдир,
Бошқа йўл йўқ-ку ахир, энди, севмайман, энди.

Айрилиқнинг жабрига, кўнди юрагим кўнди,
Ёлғиз ўттай майлига, энди, севмайман, энди.

6.07.2009.

Онам мени дард билан тукқан,
ДАРД билан мен эгизак эдик...
Иккимиз ҳам ака-уқадек-
Бир она бағрида улғайдик...

Сен ўзингни кўрсат ака деб,
У мени шаҳарга юборди.
Ўғил бўлиб укалик қилиб,
Онамнинг ёнида у қолди.

Отамни ҳам ёлғиз қолдирмай,
ДАРД онамни гулдек асрайди.
Шаҳардаги бедард акаси,
Онасини ҳеч ўйламайди...

Истеъдодин сарфлаб эрта-кеч,
Ўзини кўрсата олмайди...

23.07.2009й.

Елкада юк кўпайдими Художон,
Бу ташвишлар тугайдими Художон,
Каламушлар даврон сурган дунёда,
Менинг куним ўтмайдими Художон!

Тиззамгача ғийбатларга ботдим-эй,
Қай йўлларда жонни арzon сотдим-эй,
Ахлатхўрлар қаср қурган дунёда,
Менга ҳаво етмайдими Художон!

Севгимдан айрилиб талвасадаман,
Ўзимга келолмай васвасадаман,
Шоириинг севги йўқ деган дунёда,
Жароҳатим битмайдими Художон.

Кимлар эшик қоқар иши битгунча,
Минг йўлда қон ютдим бир йўл топгунча,
Гадой ҳам яшайлик деган дунёда,
Подшоларинг ухлайдими Художон!

Бир куни одамдай яшаб олай деб,
Нима топдик дўстлар, ўзим бўлай деб,
Фирромларнинг бахти кулган дунёда,
Мардлар энди қайтмайдими Художон!

Пешонамга уйиб ёзганинг – ТАҚДИР,
Аҳадман деб юрган, Аҳадни кечир,
Худо йўқ деганлар сиққан дунёда,
Ярим жоним сиғмайдими Художон!

29.05.2009 йил

Дўстим,

Йиллар бизни ташлаб кетмоқда,
Йўллар бизни ташлаб кетмоқда,
Диллар бизни ташлаб кетмоқда,
Додимизни кимга айтамиз.

Дўстим,

Нишлар бизга тегиб ўтяпти,
Тошлар бизга тегиб ўтяпти,
Ёшлар бизга тегиб ўтяпти,
Додимизни кимга айтамиз.

Дўстим,

Қадримизни тупрок қилдилар,
Бахтимизни йироқ қилдилар,
Қабримизни сўрот қилдилар,
Додимизни кимга айтамиз.

Дўстим,

Адабиёт ўляпти дейсан,
Ижод кимга қоляпти дейсан,
Дилим дардга тўляпти дейсан,
Додимизни кимга айтамиз.

Дўстим,

Илҳом ўзи дард билан келар,
Дардсиз шеърлар сафсата бўлар,
Келажакка нимамиз қолар,
Додимизни кимга айтамиз.

05.01.2009 йил

Шикаст еб нодон дастидан,
Ўйлаб ғамгин ғуссаларни.
Худо урсин деб қарғаманг,
Худо урган кимсаларни.

ЎЗБЕКИСТОН ГУЛЛАГАЙ

Бехзод Фазлиддинга

Бахтлар бахтни улагай,
Ёруғ толеъ йўллагай,
Фақат сену мен эмас,
Ўзбекистон гуллагай.

Кўниб кетавермаймиз,
Сўниб кетавермаймиз,
Ўлиб кетавермаймиз,
Ўзбекистон гуллагай.

Керакмиз ахир халкка,
Бир кун борамиз Ҳаққа,
Бирга ботамиз Шаркқа,
Ўзбекистон гуллагай.

Номинг қолар ўчмагай,
Ижод завол қучмагай,
Илдизларинг кўчмагай,
Ўзбекистон гуллагай.

Дўстим, бироз вакт ўтиб,
Янгидан тонглар отиб,
Онам кўнглига кетиб,
Ўзбекистон гуллагай.

Биз хаммадан баҳтлимиз,
Ахир бунга ҳақлимиз,
Топилмагай нархимиз,
Ўзбекистон гуллагай.

Бўлмасак ватанжудо,
Жонимиз этсак фидо,
Севганни севар худо,
Ўзбекистон гуллагай.

Хақ сўз яшар ўлмагай,
Аждодларим кўллагай,
Фақат сену мен эмас,
Ўзбекистон гуллагай.

20.2.2009 й.

КИМ ЎЙЛАЙДИ БУ ВАТАННИ...

Элнинг асрий дардларини биз сўйламасак,
Ҳасратларин, нолаларин биз куйламасак,
Ўз жонини асрар сотқин ўзга диёрда,
Ким ўйлайди бу Ватанни биз ўйламасак!

Шу юртнинг нон тузини еб тупурди кимлар,
Оддий халқнинг номидан деб гапирди кимлар,
Бир ғов келса ўз айбини яширди кимлар,
Ким кўтарар бу Ватанни биз кўтармасак!

Ҳар бир жойнинг ўз тошию тарозиси бор,
Бу ёшларнинг, келажакнинг ўз орзуси бор,
Юрагида киммиз деган бир туйғуси бор,
Ким англайди бу Ватанни биз англамасак!

Бир кун келиб оғир енгил кунлар ўтади,
Бу Ватан ҳам манзилига омон етади,
Келажакнинг чўққиларин маҳкам тутади,
Ким ярайди бу Ватанга биз ярамасак!

Шукр дейман келажакка садоларинг бор,
Яхши ёмон кунларингда фидоларинг бор,
Жилгалари тоза бўлган дарёларинг бор,
Ким тинглайди бу Ватанни биз тингламасак!

Бу шавкату-шонингга кўз тикканлар қанча,
Дўстингман деб молингга кўз тикканлар қанча,
Ханжар тутиб жонингга кўз тикканлар қанча,
Ким асрайди бу Ватанни биз асрамасак!

Устимиздан отлар солиб янчиб кетдилар,
Боболарим қабрин хокин сочиб кетдилар,
Кимсан деган эди тарих қочиб кетдилар,
Ким ўнглайди бу Ватанни биз ўйламасак!

Кимдир сенга қўлин чўзса манфаат билан,
Яхшиликлар қилмоқ бўлса бир миннат билан,
Ҳар ерларда вайсайверса ҳар иллат билан,
Ким мақтайди бу Ватанни биз мақтамасак!

Қадринг бордир, ўзингники, тонгларин ёруғ,
Яхшиларга баҳт улашган кунларинг ёруғ,
Юлдузларинг, ойларинг бор тунларинг ёруғ,
Ким кўкарап бу Ватанда биз кўкармасак!

Хар бир кунни, ҳар бир тонгни ғанимат билинг,
Тинчликни хотиржамликни бир неъмат билинг,
Истасангиз инсон зотин бир миллат билинг,
Ким юксалар бу Ватанда биз юксалмасак!

Жаҳонаро бугун яна ўрнимиз бордир,
Ўзимизнинг байробимиз гербимиз бордир,
Ҳеч ерда йўқ меҳнатсевар элимиз бордир,
Ким яйрайди бу Ватанда биз яйрамасак!

Тиклайликда бугун яна Тимурийларни,
Асли қайдан билсин ҳамма Бобурийларни,
Рухларини шод этайлик Навоийларни,
Ким тиклайди бу Ватанни биз тикламасак!

“Дилба ёр-у, дастба кор”ни айтгани учун,
Нақшбандий қадри яна қайтгани учун,
Бухорий-у, Термизийлар ётгани учун,
Ким яшайди бу Ватанда биз яшамасак!

Шу Ватан деб фидо бўлган бағри куюкка,
Жангларида қалқон бўлган кўкси уюкка,
Жалолиддин жони курбон шундай буюкка,
Ким ўхшайди бу Ватанда биз ўхшамасак!

Шу юрт ичра номи улуғ азизларинг бор,
Илҳом сиғмас шоирлару хофизларинг бор,
Кувват берган номдору, номсизларинг бор,
Ким куюнтар бу Ватанга биз куюнмасак!

Яхшиларнинг қаторида сафим бўлса гар,
Халқим учун бахтиёрман нафим бўлса гар,
Аҳад толмас хизматингдан умрим бўлса гар,
Ким суюнтар бу Ватанга биз суюнмасак!

23.01.2009 йил

Мен ирмоқ эмасман, дарё излатманг,
Мен шайтон эмасман, хато излатманг,
Мени аросатга ташламанг дўстлар,
Мен кофир эмасман, Худо излатманг.

Менга минг илмдан ўқитаверманг,
Миям қайрайвериб, чўқитаверманг,
Мени ўз йўлим бор қайтарманг ортга,
Зинҳор менга ортга қайт дея кўрманг...

БУХОРО ТҮГРИСИДА

Дунёларни бунёд қилган дунёлармас,
Бухорони буюк қилган бинолармас.

Лаби ҳовуз, Аркми, ёки Моҳи-Хоса,
Сайёхларни қизиктирап узок борса.

Ўтса ҳам-ки қанча беку амирлари,
Қайси бири бу маконни қадрлади.

Ўз бағрида сиғдирмаган Синони ҳам,
Фарид қилган Бухорийдек сиймони ҳам.
Бухорони буюк қилган ўшалардир,
Накшбандийдек Худодод кимсалардир.

Маърифатга ўраб тўртта томонини,
Асрар бу юрт қучоғида Сомонийни.
Наршахий-у, Рўдакийнинг излари бу,
Фазуллою Фитратларнинг сўzlари бу.

Тили бўлса ростин айтсин минорларинг,
Тили бўлса ҳасрат қилсин чинорларинг.
Илдизларин кучин яна битта сири,
Тупроғини кучиб ётар етти пири.

Мадор бўлди тинглаб кўнгил хонишларин,
Садриддин-у, Айний, Аҳмад Донишлари.
Дунёдаги ярим даҳо кўмилгандир,
Бу юрт азал доноларга чўмилгандир.

Сиз сўрарсиз унда нега фариб шаҳар,
Харобага ўхшаб кетар шариф шаҳар.
Чингизлару Искандарлар бузмаганди,
Аҳмонийлар макон тутмоқ кўзлаганди.

Йиллар ўтиб эслаш пайти охир келди,
Ёругликни танаффуси оғир келди.
Зардушт бўлиб битганингни “Авесто”ни,
Ким билмайди яратганинг “Шашмақом”ни.

Мингта китоб ўқиманг бир фикр қилинг,
Нураб ётган Бухорони кўриб келинг.
Ачинарсиз, балким сиз ҳам ачинарсиз,
Аҳаднинг ҳам сўzlарига ишонарсиз.

Маъноларни пайдо қилган маънолармас,
Бухорони буюк қилган бинолармас...

ОНА ТУПРОҚ!

Мехрим бордир сахроларинг,
хар бир тош-у, ҳар қоянгга,
Бош эгиб таъзим айласам, ҳар бир хас буғдойпоянгга,
Ўзга элни teng кўрмасман, бир қатра нур, бир соянгга,
Айт сени менданам кўпроқ, ким севар эй она тупроқ.

Бир оҳ урсам, битта оҳим, етдику етти фалакка,
Бир кун яшасада қаранг, ватан бордир капалакка,
Она тупроқ бир гардингни, алишмам етмиш малакка,
Айт сени менданам кўпроқ, ким севар эй она тупроқ.

Таърифингга сўз айтмоққа, камдир ахир билганларим,
Сендан бир зум йироқ кетсам,
қалбим ярим, баҳтим ярим,
Ишон менга эй онажон, ёлғон эмас айтганларим,
Айт сени менданам кўпроқ, ким севар эй она тупроқ.

Бободеҳқоним юзлари, отам бўлиб кўрингайдир,
Ҳар учратган муnis аёл, онам бўлиб кўрингайдир,
Ҳар бир ўзбек юраги бир, олам бўлиб кўрингайдир,
Айт сени менданам кўпроқ, ким севар эй она тупроқ.

Биз ким бўлдик назар этмай, оддий элнинг ҳаётини,
Дунёларга танитмасак, Қошғарийнинг авлодини,
Ҳар лаҳзада ёдда тутсак, Навоийнинг баётини,
Айт сени бизданам кўпроқ, ким севар эй она тупроқ.

12.01.2010йил.

ШУ ВАТАН (қўшиқ)

Она замин ва инсон,
Жону тандир, жону тан,
Беминнат ота макон,
Шу Ватандир, Шу Ватан!

Асрагайдир мардлари,
Дилдан артиб гардларин,
Бахтдир менга дардлари,
Шу Ватандир, Шу Ватан!

Яна тақрор айтаман,
Түгилсам гар қайтадан,
Менга азиз ҳаммадан,
Шу Ватандир, Шу Ватан!

Бунда толеъ юлдузим,
Шунда дўстлар илдизим,
Шамси ўчмас кундузим,
Шу Ватандир, Шу Ватан!

Жондек азиз бу маскан,
Бағрида гуллар чаман,
Саҳролари ҳам гулшан,
Шу Ватандир, Шу Ватан!

Ота бобомдан мерос,
Элпарварлик бизга хос,
Қадди бастим этган рост,
Шу Ватандир, Шу Ватан!

Гўзал эрур гўзалдан,
Донг таратган азалдан,
Тушмаган шеър ғазалдан,
Шу Ватандир, Шу Ватан!

Тингланг наво куйларин,
Кўринг байрам тўйларин,
Тузган умр йўлларим,
Шу Ватандир, Шу Ватан!

Кўрдим қанча диёрлар,
Қонга сингди шиорлар,
Кўнгил нима хуморлар,
Шу Ватандир, Шу Ватан!

Аҳаднинг ҳар сўзини,
Йўқотмасдан изини,
Ёруғ айлар юзини,
Шу Ватандир, Шу Ватан!

7.12.2008 йил

Ватанфуруш эмасман гарчи,
Йўл занжирин уза олмадим.
Бухородан кета олдим-у,
Бухородан кеча олмадим.

ТИРИКЧИЛИК.

Эй дўстларим дилда дардим кўп айтмокка,
Тугма топиб қадай десам, йиртиқ ёка,
Етмиш хунар камлик қилди кун кўрмокка,
Минг кўчага бошлаб кирди йигитчилик.
Не кўйларга солди, қаранг, тирикчилик.

Еллар олди қайнок ёшлиқ заволини,
Олмасайдим орзуларнинг уволини.
Жуда оғир кўтармоқ дил малолини,
Яхшини ҳам ёмонни ҳам мана кўрдик,
Не кўйларга солди, қаранг, тирикчилик.

Тирикчилик деб кирмадик не йўлларга,
Ёмғирдан қочиб учрадик биз дўлларга,
Тақдиримизни топширдик ёт қўлларга,
Битта эмас, ўнта эмас биз кўпчилик,
Не кўйларга солди, қаранг, тирикчилик.

Мактайверманг ҳадеб сохта қадримизни,
Эрта кимдир титмасмикан қабримизни,
Кимлар зимдан синамоқда сабримизни,
Дўсту душман орасида совуқчилик-
Не кўйларга солди, қаранг, тирикчилик.

Аввал бошқа ҳозир бошқа замон деманг,
Ўзни яхши бошқаларни ёмон деманг,
Ор номусин сотганларни ёлғон деманг,
Маҳаллийчилик бор ё ўзбекчилик,
Не кўйларга солди, қаранг, тирикчилик.

Кимларгадир кўриняпмиз қувга ўхшаб,
Нафсимиз деб қолаяпмиз ёвга ўхшаб,
Талашамиз ўрмондаги овга ўхшаб,
Қайга кетди ахду паймон шерикчилик,
Не кўйларга солди, қаранг, тирикчилик.

Тингламасак ахир кўнгилnidосини,
Куйган юрак берар бир кун садосини,
Баъзан кийдик мунофиқлик либосини,
Йўқ нарсани бор деб гапни кўпиртирдик
Не кўйларга солди, қаранг, тирикчилик.

Илмин сотди туппа-тузук юрган олим,
Бир пул учун мулла бўлди ҳатто золим,
Биров жоним деб йиглайди, биров молим,

Айтинг дўстлар билмадим бу не кўргулик,
Не кўйларга солди, қаранг, тирикчилик.

Қорин тўйса, паймона ҳам тўлмайдику,
Сабр қилса одам ахир ўлмайдику,
Бўйин товлаб бундай яшаб бўлмайдику,
Турмуш асли тўрт муш экан-ўликчилик-
Не кўйларга солди, қаранг, тирикчилик.

Ҳеч ким боқмас кимсан наслу насабингга,
Ота чидар нодон ўғил асабига,
Бундай фарзанд учрар Оллоҳ ғазабига,
Илдизимиз ярми хаста, ярми чирик,
Не кўйларга солди, қаранг, тирикчилик.

Нетай, ахир, тилкалар бир тиф кўксимни,
Ҳақ талашиб юз кўрмасдир оға-ини,
Гуноҳкор деб айттолмайман бирор кимни
Қайси юртда тер тўқади эл бизчалик,
Не кўйларга солди, қаранг, тирикчилик.

Иморатлар қуриб кўйиб қават қават,
Ўз онаси оч ухлайди бермас овқат,
Машинаю доллорларин санар фақат,
Бойлигига итдек қиласр қўриқчилик,
Не кўйларга солди, қаранг, тирикчилик.

Бир жой борса насиҳатлар бурро бурро,
Амалсиздир айтмайдиям буни биоров,
Ҳаром пулнинг орқасидан жони эгов,
Дўзахдан жой талашишда кўриқчилик,
Не кўйларга солди, қаранг, тирикчилик.

Ўз дўстининг хотинига кўзин қисиб,
Орқаваротдан иш битирап думин қисиб,
Дўстингман деб терисига сомон тикиб,
Иттан батар қиларкан камбағалчилик,
Не кўйларга солди, қаранг, тирикчилик.

Тирикчилик тўрт томонга чоптиради,
Йўқни бордан, борни йўқдан топтиради,
Кимни сийлаб, кимларнидир коптиради,
Шерни ҳам куён қиласи қуруқчилик,
Не кўйларга солди, қаранг, тирикчилик.
Эрта қулар иморатни бугун қуриб,
Рост бу деймиз хурофотни кўриб туриб,

Хақ дер эдик кече оёқ яланг юриб,
Эй дўстларим жарга келдик, гўрга кирдик-
Не кўйларга солди, қаранг, тирикчилик.

Чидагандик баъзан қолсак бўхтонларга,
Бошимиздан ёккан офат бўхронларга,
Нечун бугун кўмиляпмиз ёлғонларга,
Дунёни ҳам кўкартиридик, одам қилдик,
Не кўйларга солди, қаранг, тирикчилик.

Томок йиртиб ҳайқирамиз: Санъат, санъат!
Санъатни ҳам бизнес қилган билан ҳарчанд,
Икки йўлни бирга тутиб бўлмас гарчанд.
Тўртта чала савод билан санъат қилдик,
Не кўйларга солди, қаранг, тирикчилик.

Фарзандим деб илҳақ кутар ота-она,
Фоний дунё атрофида биз парвона
Жаҳон асли бошдан оёқ бир ғамхона,
Майнавозчиликни орзу ҳавас билдик,
Не кўйларга солди, қаранг, тирикчилик.
Ошиқ юрак билмаса гар дил қадрини,
Қайдан билар баҳор нима гул қадрини,
Мухаббатдан устун билиб пул қадрини,
Ичкуёвмас итқуёвдек қилас қилик,
Не кўйларга солди, қаранг, тирикчилик.

Ўзга элда топарман деб ҳалол ризқин,
Эр йигитлар мусофирир ғариб, мискин.
Ўз юртида ор номусин билиб тўскин,
Ўн гулимиз очилмайин нечун сўлдик,
Не кўйларга солди, қаранг, тирикчилик.

Давлат ундоғ, давлат бундоғ дейди кимдир,
Хотинига сўзи ўтмас уйда жимдир,
Мехнат қилмас хоҳ мажбурла ё ур ўлдир,
Тарбиядан эмасмикин бу камчилик,
Не кўйларга солди, қаранг, тирикчилик.

Умр-йўлдир, адашмайлик, эй дўстларим,
Ёритайлик келажакнинг йўлларини,
Тўғри англаңг Аҳад Қаюм сўзларини,
Ўтиб турган бўлса аранг тирикчилик.
Не кўйларга солди, қаранг, тирикчилик.

2007-2009й.

Чин ошиқлар ёлғондан,
Қасамлар ичмайдилар,
Кечиши мумкин жондан,
Севгидан кечмайдилар.

Синовдан қочмайдилар,
Хавасга учмайдилар,
Бошқани күчмайдилар,
Севгидан кечмайдилар.

Йўлларини тўссанг ҳам,
Кўлларини кессанг ҳам,
Бўйнига дор оссанг ҳам,
Севгидан кечмайдилар.

Ишқнинг тафтидан тўйиб,
Кунда биттасин суйиб,
Жуфтини ёлғиз қўйиб,
Севгидан кечмайдилар.

Дейдики ошиқ Ахад,
Тақдирга кўнмоқлик шарт,
Ўйин эмасдир қисмат,
Севгидан кечмайдилар.

26.12.2008 йил

Чаён чақса, чақкан жойи кўринар,
Илон чақса, захри сўриб олинар,
Бошинг силаб жонинг сугуриб олса-
Одамнинг захрига даво не бўлар.

Билолмайсан кимнинг ичда қораси,
Билолмайсан юздан инсон сарасин,
Дўстларингдан чиқса ёвнинг тўдаси,
Одамнинг захрига даво не бўлар.

Тандаги жароҳат битади бир кун,
Ҳатто унутилиб кетади бир кун,
Дилдаги жароҳат қийнайди ҳар кун,
Одамнинг захрига даво не бўлар.

Ичингдаги душман буқаламундир,
Минг хилда товланар нағмаси күпдир,
Зоти ҳам аниқмас, лайча ё итдир,
Одамнинг захрига даво не бўлар.

Луқмону Ҳаким ё Ибн Сино ҳам,
Шу саволга жимдир медитцина ҳам,
Чақиб ўлдирса-я, одамни одам,
Билмадим оламга ким ёрдам берар,
Авлоди одамга ким ёрдам берар...

09.09.2009 йил

Кимларнидир кириб пўстига,
Айланиб энг содик дўстига,
Кейин оёқ қўйган юзига,
Сенга дўстлик қиласмикин у?

Одам қадрин билармикин у,
Яхшиликни тиласмикин у,
Ярим юрга панд берган шайтон,
Сенга дўстлик қиласмикин у?

У шундайин зоти нокаски,
Шунчаларам назари паски,
Кўнгил нима билмайди чунки,
Сенга дўстлик қиласмикин у?

Боласидан манфаат кутган,
Отасига ҳар кун тош отган,
Хотинига онасин сотган,
Сенга дўстлик қиласмикин у?

Худойимнинг ургани ҳам шу,
Икки дунё қўйганидир бу,
Манфаатсиз нафас олмаган,
Сенга дўстлик қиласмикин у?

6.12.2009й.

БАЪЗАН ДЕЙМАН

Гарчи бугун дўстларим жам бўлгани билан,
Бахтим бутун ё омадим кулгани билан,
Гоҳ шодлиқдан ярим кўнглим тўлгани билан,
Рухи мададкор топмадим отамдан бошқа,
Касби дуокор топмадим онамдан бошқа.

Умр ўтмас ғалваларсиз бир текисликда,
Ким истамас яшамокни тўқ тўқисликда,
Дўст тутинасам, ғам ютинасам гоҳ минг ҳадикда,
Бир меҳри ошкор йўқ экан отамдан бошқа.
Менга интизор йўқ экан онамдан бошқа.

Баъзан дейман наҳот шунча чигалдир ҳаёт,
Фақат армонлар дастида тугалдир ҳаёт,
Болалик ҷоғларим кўмсад, эсласам бот-бот,
Шўхлигимни кўтарган ким отамдан бошқа,
Дардим дилдан ўткарган ким онамдан бошқа.

Вафода не сир-синоат гоҳо тушундим,
Бир жафокор ёр ҳажрида ёмон ўкиндим,
Чорасиз нолону ҳайрон кимга юкундим,
Бу ҳолимни ким англарди отамдан бошқа,
Хасратларим ким тингларди онамдан бошқа.

Парвозига қанот бўлдим бир бор дўстимни,
У-чи, элга достон қилди каму қўстимни,
Сомон тиқиб тўлдириби тинмай пўстимни,
Гар йиқилсан тиргак борми отамдан бошқа,
Ачингучи юрак борми онамдан бошқа.

Устозим деб маҳкам тутдим бир зот этагин,
У менга уқтирмоқ бўлди ёлғон эртагин,
Шунда дедим бу синовдир, Аҳад, чидагин,
Сенга ота бўлолмайди отангдан бошқа,
Сенга она бўлолмайди онангдан бошқа.

Дўйстлар, ҳар кимга пок ният йўлдоши бўлсин,
Бунда ўтган ҳар бир дамнинг ривожи бўлсин,
Инсонийлик тарафдорин иқболи кулсин,
Шунда йўлинг кўмиб кетмас бирорта одам,
Ногоҳ кўзинг юмиб ўтмас ёнингдан ҳеч ҳам.

05.11.2007

АЁЛ

Кўрку нафосатин таърифлаш маҳол,
Гўзаллик, покликка энг лойик тимсол.
Мехру-муҳаббати чашмадек зилол,
Садоқат, вафога ҳар доим мисол.
Чин сўзни айтганда олмангиз малол,
Дунёда энг азиз сиймодир аёл.

Исмин тилга олсан ёришар осмон,
Лутфин эъзозласам ярашар ҳар он.
Қалбин гар тингласам жўш урар түғён,
Дардин куйга солиб дилим бўлди қон.
Тилагим, ҳеч маҳал кўрмасин завол,
Дунёда энг азиз сиймодир аёл.

Ҳаётда паст-баланд довонлар кўпдир,
Дилни ўртагувчи армонлар кўпдир.
Бир манзил излаган карвонлар кўпдир,
Рост деб айтилгувчи ёлғонлар кўпдир.
Ҳар замон ортидан эргашсин иқбол,
Дунёда энг азиз сиймодир аёл.

Унсиз ўйлар ичра ғарқ бўлиб гоҳо,
Хаёлларим сокин сузганда танҳо.
Кўнгил тубларидан чиқариб садо,
Муаттар сас билан берганда маъно.
Нафис жилоларин кўрсатар хаёл,
Дунёда энг азиз сиймодир аёл.

Қалбларни яшнатар гулдек нафаси,
Оlamda ягона меҳрин шуъласи.
Яратганни бизга улуғ тухфаси,
Бахтиёр онларнинг орзу-ҳаваси.
Ҳамиша ортидан нур сочсин баҳор,
Дунёда энг азиз сиймодир аёл.

Тимур йиллаб кетса ватандан йироқ,
Самарқанд бошига бўлган шамчироқ,
Ҳам меҳрибон она, малика бўлиб,
Унутмаган аёллигини бироқ,
Бибихоним юзларига не бўлди,
Бугун ўзбек қизларига не бўлди.

Амирий шоҳ бўлган ҳам шоир бўлган,
Жангларда ҳам доим у мохир бўлган,
Шунга ақли билан қудрати билан,
Фақат бир аёлга у мойил бўлган,

Нодиранинг сўзларига не бўлди,
Бугун ўзбек қизларига не бўлди.

Ҳар кун бир йигитнинг бўйнидан кучиб,
Молу давлатига пулига учиб,
Ўзгаси керакмас хаётимсиз деб,
Бесабаб бир кунда кетарлар кечиб,
Увайсийнинг изларига не бўлди,
Бугун ўзбек қизларига не бўлди?

Қодирийнинг элга нидоси қани,
Аёлнинг ибоси ҳаёси қани,
Дунёни сотворар тўрт танга пулга,
Чет эллардан билмам излар нимани,
Кумушбиби нозларига не бўлди,
Бугун ўзбек қизларига не бўлди?

Энди Ҳамза қабрида тик ётади,
Елкада қандайдир бир юк ётади,
Кимлар икки сатр ёлғони билан,
Ҳамид Олимжоннинг гўрин титади,
Зулфиянинг кўзларига не бўлди,
Бугун ўзбек қизларига не бўлди?

Бибихоним юзларига,
Нодиранинг сўзларига,
Увайсийнинг изларига,
Кумушбиби нозларига,
Зулфиянинг кўзларига,
Бугун ўзбек қизларига не бўлди?

Аёлга не керак меҳрдан бошқа,
Севгидан бошқа не керак аёлга.
Аёлнинг меҳридан жон кирап тошга,
Аёл ўтказади измин шамолга.

Бир чимдим эътибор, битта табассум,
Ҳар қандай хушомад, гуллардан афзал.
Имкон топа олсанг агарда дўстим,
Аёлнинг кўнглига қара энг аввал.

19.11.2009й.

БЕФАРЗАНД АЁЛ

Бўм-бўш бешик тебранасан бўм-бўш қўлда,
Бўм-бўш бешик чангга ботдинг ўттиз йилда,
Фарзанд кутиб бу аёлнинг сўлди умри-
Энди ўзинг чақалоқдек йиғлаб бер-да!

Сени кўрса кўз ёшларин тўхтатади,
Гўё мурғак боласини ухлатади,
Ёлғизлигин билдирмагин бу аёлга-
Ҳар кун сенга юрагини бўшатади.

Бўм-бўш бешик ўзи нега бўшаб қолдинг,
Музейдаги буюмларга ўхшаб қолдинг,
Бу ховлида ёлғизликдан куйса аёл,
Ўзга уйда кераксиздек бўлиб қолдинг...

Неваратўй қилдим деса тенгдошлари,
Бўм-бўш ёстиқ ичар ҳар кун кўз ёшларин,
Ўттиз йилки овутади ночор эди,
Балки ҳаёт синаётири бардошларин.

Бўм-бўш бешик, демак сен бўм-бўш эмассан,
Қаро кунда кўрилган бир туш эмассан,
Ҳар бешиги қирқта Алпомиш ўстирган-
Сен ўзбекдан улуғдирсан ёш эмассан.

Бўм-бўш бешик тебранасан худди вақтдек,
Ёлғиз аёл учун сен бир ҳақиқатдек,
Бу дунёга донолигинг исботлаб қўй,
Токи дунё ардоқласин сени баҳтдек.

14.09.2009 йил

ЎЗБЕГИМНИНГ ТЎЙИ...

Кезиб қанча миллат-элатни,
Кўриб қайтдим турли одатни,
Тополмадим жонга роҳатни,
Она юртнинг бўйи бошқача,
Ўзбегимнинг тўйи бошқача.

Кўзлардаги сурурга қаранг,
Даврадаги файз, нурга қаранг,
Тиллардаги шукрга қаранг,
Кимнинг хаёл-ўйи бошқача,
Ўзбегимнинг тўйи бошқача.

Дўстлар, кўлга кўлни боғлайди,
Хизмат учун белни боғлайди,
Яқин дийдор дилни чоғлайди,
Хушнуд ёшлар сўйи бошқача,
Ўзбегимнинг тўйи бошқача.

Сиз ҳам келиб яйрангиз бир дам,
Унутингиз, нима ташвиш-фам,
Бўлолсангиз Аҳадга ҳамдам,
Унинг наво куйи бошқача,
Ўзбегимнинг тўйи бошқача.

ҚАДАҲ

(Садоийга)

Қадаҳ, о зарби қадаҳ!
Жарангি жонимдан ўтар,
Юракни тимдалаб кетар,
Фифоним фалакка етар.

Қадаҳ, о зарби қадаҳ
Бедаво дардим тузат,
Соқиё, майдан узат,
Ва мени зимдан кузат,
Турибман мисли дараҳт...

Қадаҳ, о зарби қадаҳ!
Ёнинга бир кун қайтай,
Ҳасратим сенга айтай,
Бу йўлдан қандай ўтай,
Кулашим мумкин ҳар вақт.

Қадаҳ, о зарби қадаҳ!
Сенсан ошиқнинг шаъни,
Дунёдан йўқдир маъни,
Чорланг буён ҳаммани,
Бу кеч айёми фараҳ!

Турибман мисли дараҳт,
Кулашим мумкин ҳар вақт...

2007й.

ТУГИЛГАН КУН

Йилида бир марта нишонланса ҳам,
Қалбингда пинҳона ўқийди афсун.
Оламнинг қувончи гўё шунда жам,
Бир умр эсланар кун туғилган кун

Бу кунда улгайиб яна бир ёшга,
Бир зум хотиралар айланар бошга.

Ўқсинманг кўриб оқ тушганин сочга,
Ёшликнинг эсланар кун туғилган кун

Кимлар учун бу кун байрамдек татир,
Юракларни чертиб қайта уйғотур,
Гўё бир маҳалда баҳт тонги отур,
Шодлиқдан сўзланар кун туғилган кун

Яқинларинг келиб дилга ўт ёқса,
Кўнглингга ўзгача оҳанглар оқса.

Қадри билингайдир олисдан боқса,
Гоҳ қумсаб изланар кун туғилган кун.

Қанча яқин келса шунча кўп кутиб,

Дарду ғамларни ҳам бироз унутиб.

Дийдорнинг энг соҳир таъмидан тотиб,

Юракдан розланар кун туғилган кун.

Атрофдан ёғилса совғаю табрик,
Аҳаддан бўлсин шу сизга эсадалик.

Ҳаётингиз ўтсин бир камсиз, бутун,
Яхшилик кўзланар кун туғилган кун.

28.01.2008 йил.

ТЎЙДАН КЕЙИН

Кўшиқ айтсанг ярашади қуйдан кейин,
Доно одам ўй суради ўйдан кейин,
Ният қилар уйда бола туғилгандা,
Ўзбек яна тўй бошлайди, тўйдан кейин.

Кўрсам дейди фарзандининг баҳтларини
Курсам дейди толеъидан тахтларини,
Ўзгартирмай минг йиллик одатларини,
Ўзбек яна тўй бошлайди, тўйдан кейин.

Бундай кунда қашимас ҳеч бошларини,
Хисобламас яхши кунда харжларини,
Санамайин тўкилган оқ соchlарини,
Ўзбек яна тўй бошлайди, тўйдан кейин.

Сабр қилар оғир-енгил кунлар кўриб,
Пишиб кетган ҳар бир дардни енгавериб,
Ҳар қандайин ғам-ташвишни четга суриб,
Ўзбек тағин тўй бошлайди, тўйдан кейин.

Баъзилар бор шердан олиб филга берар,
Салом берсанг алигини пулга берар,
Унга қаранг топганини элга берар,
Ўзбек яна тўй бошлайди, тўйдан кейин.

Кўнгил уйи обод бўлар сўзлар билан,
Яхши-ёмон кунда бўлинг дўстлар билан,
Қўл берсангиз Аҳад шоир сизлар билан,
Ўзбек яна тўй бошлайди тўйдан кейин.

22.11.2008 йил.

БУНЧА МАЮССАН?

Севгилим, бу оқшом висол кечаси,
Иккимиз зор кутган дийдор кечаси,
Кўнгиллар учрашган хумор кечаси,
Бунча маюссан?

Ёнимда бўлсанг ҳам гўё ёлғизсан,
Кемасин йўқотиб қўйган денгизсан,
Тунлари бошимда нурсан, юлдузсан,
Бунча маюссан?

Сени бунча нима қийнайпти, айт,
Яшашни ўргангин ғамга қасдма-қасд,
Қалбинг ўртамоқда билмам қандай дард,
Бунча маюссан?...

Кечагина, бирга бўлсайдик дердинг,
Бирга эркаланиб юрсайдик дердинг,
Нега бунчалик тез ўзгариб қолдинг,
Бунча маюссан?

Ёки мендан бирор хато ўтдими,
Бирор гапим сенга оғир ботдими,
Сени бошқа биров ё ранжитдими,
Бунча маюссан?

Бунга чидолмайман, ичим ёмон тор,
Бунча қийнагунча кел бошимни ёр,
Манинг айбим нима, бу нима ахвол,
Бунча маюссан?

27.12.2009й.

Сўра мендан, азизим,
Жонимни ҳам бераман.
Ўзингдирсан ёлғизим,
Севаман!

Бугун дилимда титрок,
Қалбимда минг бир сўрок,
Сени ҳаммадан қўпроқ,
Севаман!

Қалбим очиб кўрсайдинг,
Кутганимда келсайдинг,
Ўз бағримда кулсаі г,
Севаман!

Кўзимданам қизғониб,
Ўзимданам қизғониб,
Минг ўртаниб, минг ёниб,
Севаман!

Меникисан сезаман,
Армонларим юваман,
Ҳасратларим қуваман,
Севаман!

Келгин, изинг излатма,
Жоним мени бўзлатма,
Икки дилни музлатма,
Севаман!

15.01.2009й.

Кирқ кокилинг қирқ арғамчи, ўйнар мени,
 Кирқ кипригинг қирқта соқчи, қийнар мени,
 Қирқта ваъданг қирқ алдамчи, синар мени,
 Тузоқ ташлаб қирқ томондан пойлар мени,
 Қирқ минг ошиқ ичра қачон сайлар мени,
 Юрагимни чопсалар ҳам қирқ бўлакка,
 Шубҳа йўқим, содик қолгум сен малакка!

Киркта фолбин қирқ юлдуздан фолим ўқиб,
 Сенга бориб қирқ китобдан ёлғон тўқиб,
 Ундан кеч деб қирқ йил мени дорга тортиб,
 Дор остидан қирқ чақирим улоқтириб,
 Ўлдирсалар ва танамни қирқ йил ёқиб,
 Тупроғимни сочсалар ҳам сўнг фалакка.
 Шубҳа йўқим, содик қолгум сен малакка!

Қирқта гўзал қирқ томондан чорлаганда,
 Мени излаб қирқта йўлдан пойлаганда,
 Сени дердим қирқта жоним бўлганида,
 Оллоҳ менга қирқта умр берганида,
 Кўз юмардим қирқта малак турганида,
 Гардингни ҳам алишмасдим камалакка,
 Шубҳа йўқим, содик қолгум сен малакка!

Севги ҳақда қирқ минг шоир достон битди,
 Қирқ мингта шоҳ муҳаббат деб ўлиб кетди,
 Ишқ кўзимни қирқ минг марта боғлаб кетди,
 Қирқ мингта тош ҳар оҳимдан жонга ботди,
 Бир нигоҳинг қирқ минг томирим уйғотди,
 Ҳар лаҳзада қирқ бор буюрдим юракка,
 Шубҳа йўқим, содик қолгум сен малакка!

Қирқ кокилинг пешонангда қирқ айғоқчи,
 Қирқ кипригинг кўзларингда қирқда соқчи,
 Қирқта ваъданг қирқ ёлғончи, қирқ алдоқчи,
 Нигоҳларинг жодусини яширмоқчи,
 Сени алдаб иккимизни айирмоқчи,
 Ишон менга, етмоқ бўлсанг қирқ тилакка,
 Шубҳа йўқим, содик қолгум сен малакка!

Шайтон келиб қирқ хил тусда синаб кетди,
 Аёл макри қирқ туяга оғир ботди,
 Ҳар оҳимдан қирқта ошиқ чўчиб кетди,

Одамлар бор севмай туриб қирқа етди,
Үн беш ёшда севгинг дилдан селдай оқди,
Сувдек сочсанг ошифингни чархпалакка,
Шубха йўқким, содик қолгум сен малакка!

Юрагимни чопсалар ҳам кирқ бўлакка,
Тупроғимни сочсалар ҳам сўнг фалакка,
Гардингни ҳам алишмасдим камалакка,
Ҳар лаҳзада кирқ бор буюрдим юракка,
Ишон менга, етмоқ бўлсанг қирқ тилакка,
Сувдек сочсанг Аҳадни сен чархпалакка,
Шубха йўқким, содик қолгум сен малакка!

09.09.2009 йил

Дилдаги дард,
Жонга улфат,
Севдим деб айт,
О, Сабоҳат!

Бу Мұхаббат,
Күнгилда хат,
Кетма фақат,
О, Сабоҳат!

Ишқ-бу қисмат,
Ишқ-бу ҳасрат,
Ишқ-бу жаннат,
О, Сабоҳат!

Қани омад,
Қани роҳат,
Қани тоқат,
О, Сабоҳат!

Ошиқлик баҳт,
Кўйсанг ҳам шарт,
Шаҳдингдан қайт,
О, Сабоҳат!

Гуноҳим айт,
Дилим зулмат,
Бу ҳақиқат,
О, Сабоҳат!

07.03.2009 йил

Бегуборим, бекарорим,
Кел, кел, кел...
Ёлғиз ёрим, интизорим,
Кел, кел, кел...

Суйганимни, куйганимни,
Йиғлаганим, кулганимни,
Сенга жоним берганимни,
Бил, бил, бил...

Бахтим шудир, баҳтим шудир,
Сендей севгилим бор ахир,
Сен ёнимда бутун умр,
Қол, қол, қол...

Берганда гул, бағримда кул,
Менга бер құл, менга бер йүл,
Лаблари бол, дилга ўт сол,
Остонанғда бүлайин қул,
Бошгинамда ой каби түл,
Кул, кул, кул...

Юрак ақл йүлин түсар,
Қани ул малак деб қистар,
Сени сүрар, сени истар,
Дил, дил, дил...

Тинглаб шартин, билиб қадрин,
Түғри англаб севги сатрин,
Сен Аҳаднинг ҳамма дардин,
Ол, ол, ол...

Гулрухсорим, бетакрорим,
Кел, кел, кел...
Бафодорим, умидворим,
Кел, кел, кел...

ТЕЛЕФОНДАГИ СУҲБАТДАН:

- Васлингизни тушларимда соғинганим рост,
Сизсиз жоним бу ерларда кўнглим тўлмайди,
Кўришганда сирлашармиз ошиқларга хос,
Телефонда ҳамма гапни айтиб бўлмайди.

Сизга атаб шеър ёзганман ҳеч ким билмайди,
Гуллар тердим, боргунимча асло сўлмайди,
Сўз бердимми, энди сўздан қайтиб бўлмайди,
Телефонда ҳамма гапни айтиб бўлмайди.

Билмам, мендан нени бунча истайверасиз,
Севаман деб айтинг дея қистайверасиз,
Муҳаббатим исботлагум мана кўрасиз,
Телефонда ҳамма гапни айтиб бўлмайди.

Заррача ҳам ёлғон йўқдек сизнинг сўзларда,
Зигирча ҳам риё йўқдир бизнинг сўзларда,
Ҳеч кимда йўқ ибо бўлсин сиздек қизларда,
Телефонда ҳамма гапни айтиб бўлмайди.

Сизни менга, мени сизга учратиб қисмат,
Бир муддатга айрилиққа ташлади факат,
Кутинг, жоним, кутинг, эркам, Аҳадни факат,
Телефонда ҳамма гапни айтиб бўлмайди.

Йўқсан, дийдорингни қўмсайвераман,
Телефондан нажот излайвераман,
Тўрт девор ичида ғажилса руҳим -
Таниш рақамларни эслайвераман.

Таниш сигналлардан шаҳар чайқалар,
Микрофон титрайди, товуш ўзгарап,
Исмингни такрорлар галлактикалар,
Таниш рақамларни эслайвераман.

Пошнам қичкиради, инграйди туфлим,
Костюмим тугмасиз, иситмас шарфим,
Гоҳо унутаман исми шарифим.
Таниш рақамларни эслайвераман.

Беъмани қизлардан, беъмани хатлар
Журналлар, радио-бекорчи гаплар,
Чарчатса газета ё сериаллар,
Таниш рақамларни эслайвераман.

Қаққайган түрт девор-түрттала безбет,
Мени қувонтирмас чет элга билет,
Хайратта солмайди шов-шув, интернет,
Таниш рақамларни эслайвераман.

Рақамлаб ташлаган, машина, пуллар,
Хужжатда рақамлар, рақамли қулфлар,
Кўзимга бомбадай кўринар пультлар,
Таниш рақамларни эслайвераман.

Чарчатса техника-сифмай оламга,
Йифлаб хуморлангим келса онамга,
Бир ўзим қамалиб яна хонамга,
Таниш рақамларни эслайвераман.

Мен бир ошиқ кучга тўлган бўз бола,
Лочинюракдирман, лочинкўз бола,
Бунча шўхлик сизга нимага керак,
Шунақаям бўладими қиз бола.

Гоҳо манга қошиб ўтасизда,
Юрагимга ўт ёқиб ўтасизда,
Елиб шамолдай, учиб хаёлдай,
Сой каби шўх оқиб ўтасизда.
Шунақаям бўладими қиз бола.

Нега сўзларимни кесасиз тинмай,
Атай, йўлларимни тўсасиз тинмай,
Қасдан, кийнайсиз айтганимга кўнмай,
Шунақаям бўладими қиз бола.

Тилим тўла нола, дил тўла нола,
Мени танлаш ўзингизга ҳавола,
Севдим десам, яна кулиб кулиб воҳ,
Шунақаям бўладими қиз бола.

Манзил бўлак экан, йўлимиз бўлак,
Сиз деб бедор юрак, сизга зор юрак,
Бир кунда киясиз етти хил кўйлак,
Ҳафтада қиласиз етмиш хил турмак,
Шунақаям бўладими қиз бола.

Ойбарчиндан ўтиб кетди шартингиз,
Тополмайсиз Аҳаддайин мардингиз,
Тошданмиди нозиккина қалбингиз,
Шунақаям бўладими қиз бола?!

27.12.2009й.

УСТОЗИМГА

(бағишилов)

Илму тафаккурдан дилга йўл очган,
Қалбларга беминнат меҳрини сочган,
Гўё қуёш тафти юзида кўчган,
Сиз сабаб ҳар маҳал баланд парвозим,
Бахтимга бор бўлинг, азиз устозим!

Шогирдлар камолин ўйлаб туну кун,
Ҳаловат билмасдан бағрин этиб хун,
Келажак авлоднинг тақдири учун,
Жонин аямаган бўлганда лозим,
Бахтимга бор бўлинг, азиз устозим!

Ким учун дунёда шухрати азиз,
Кимгадир ҳақ йўлда заҳмати азиз,
Сизга-чи эл-юртнинг раҳмати азиз,
Мудом баланд эрур сизга эъзозим,
Бахтимга бор бўлинг, азиз устозим!

Зулматда шамчироқ йўлни ёритар,
Илм ҳар лаҳзада бизга кор этар,
Интилганга дойим омад ёр этар,
Кўзим олисадир қўлимда созим,
Бахтимга бор бўлинг, азиз устозим!

Тинглашга улгурмай қалбин сасини,
Англайди ўзгалар дил ноласини,
Баъзан эркалолмай ўз боласини,
Бизларга бахш этган баҳору ёзин,
Бахтимга бор бўлинг, азиз устозим!

Инсонга дуч бўлгай турфа хил йўллар,
Гоҳи тоғлар ошса, гоҳ кезар чўллар,
Базан таъқиб этса, чақмоқлар, дўллар,
Хеч вақт адашмагай ақл тарозим,
Бахтимга бор бўлинг, азиз устозим!

2007 йил

Китобим босмадан чиқди ниҳоят,
Шеърларим кетдилар бир-бир тарқалиб,
Баъзиси ўз номин қилса ҳимоят,
Баъзиси ортимдан этишар таъқиб.

Мана, мисол учун бугун эрталаб,
Қўққисдан телефон жиринглаб қолди,
Ўйладим ҳойнаҳой бу Дилшод Ражаб,
Байрам деб шогирдин эсига олди.
Кўтарсам, во ажаб бувим эканлар,
Дейдилар ақлдан болам озибсан.
Менга деб битта шеър битмабсан ақал,
Қандайдир кизларга достон ёзибсан.

Ёки кеча оқшом дўкон ёнида,
Бир ҳофиз дўстимни учратиб қолдим,
У дейди бизга ҳам ёзинг гоҳида,
Айнан шу томондан қийналиб қолдим.
Китобим қўлига етгани замон,
Шу заҳот уйимга келибди синглим,
Дер “Ака, қишлоққа қайтайлик омон”
Шаҳарда заррага йўқ менинг кўнглим.

Кечада билан гаплашган эдим,
Акангдан хабар ол қизим дедилар,
Акам ижодига шўнғиган дедим,
Келмаса бораман ўзим дедилар.
Айтинг, мен не қилай? Менинг айбим не?
Ҳаётни борича куйлаганимми,
Ёки сарсон излаб асл санъатни,
Ватаним эртасин ўйлаганимми?

Йўқ, ахир бўлмайди бундай яшамоқ,
Ким гапирап ўйланг, биз ўтирасак жим,
Майли ҳақни айтиб йиртилсин томоқ,
Шу элга садқадир оташин қалбим.
Майда-чуйда ҳислар менга бегона,
Синглим, сен бувимга ўзинг тушунтири,
Юртни тилга олиб битган ҳар сатрим,
Уларга аталган энг яхши шеърдир.

10.11.2007 йил

МУНДАРИЖА

Яна соғиндим, яна...	3
Севиб қолдим ман...	4
Камми кўпми яшадим эй дўст...	5
Эй дўст	6
Қадамлар ҳикмати	7
Оқибат	8
Орзу	8
Мабодо мен рассом бўлсайдим...	8
Мен аслида нима топдим шу...	9
Соат тинмай чиқиллар...	10
Ҳаммаси яхшийди, дунё тинч эди...	10
Севги шундай туйгуки...	11
Пойингизда хор бўлган...	11
Қизғалдоққа айлансадим...	12
Назаримда Нилуфар...	12
Қизиқ, соғинчнинг ҳам ҳиди бўларкан...	13
Кута кута кўнди кўнгил келмадингиз...	13
Соғинчимнинг ниҳояси йўқ...	13
Дардим ҳам сен, табибим ҳам сен...	14
Чуқурлашиб кетдим ўзимга ўзим...	15
Шеър экан деб ҳамма гапни ёзаверсанг...	16
Олтин деб олганим мис бўлиб чиқди...	16
Ҳаммасига, ҳаммасига чидайман...	17
Сени ўйлаб...	17
Сизнинг юрак...	18
Кимлар	19
Кимнидир севгандисан...	20
Қалбимдаги муҳаббат...	20
Сенинг ишқингда эй малак...	21
Адо қилдинг	21
Ёт қўйнида, ётар сархуш, ...	22
Дилим-дарё...	23
Айтотмадим	24
Севги изҳори!	25
Талиниб бир-бирин истар кўнглим ...	26
Ҳар куни тонг отмай уйғониб....	26
Сўрашади дўстларим...	27
Мен баҳтлиман...	28
Ота она дуоси	28
Оллоҳим, умр бер ота онамга...	29
Билдим, бу курашда...	29
Сизни соғиндим она	30
Ўтган асримизда машхур шоирлар...	30
Ўзгалар ҳаётин обод қиласай деб...	31
Ёлғизлик	31
Ўзимга насиҳат	33
Кўчада кўрасан...	33
Дўстлар	35
Дўстлар-2	35

Бу ҳаёт биз учун нима одамлар....	37
Кўнглим	38
Давлат сўра Худодан...	39
Тўқчилик ғавғо экан	40
Кимки ул ўз номин паст қиймат қилур...	40
Баъзилар	41
Ақлли одамлар	41
Майдада ташвишлар	43
Йигитчиликда	43
Қадр топмаса	44
Сен эртани ўйлаб яшама.....	45
Дўст	45
Ҳаётимни чамалаб кўрдим...	46
Кулишни истасанг...	46
Кимгадир гул насиб, кимгадир тикан...	47
Жийда гуллари	47
Ваъдалар занжирин осиб бўйнингга...	48
Нилуфар	49
Кунлар ойлар ўтиб ўтганда йиллар...	50
Энг биринчи севгим ўзинг, баҳтим ўзинг...	50
Кимлар ишқимизни ёлғонга йўйди...	51
Соғинасан	52
Тирик тасвир, тушингизни топдингизми...	53
Қадрингиз....	54
Юрагингиз занжирлаб...	54
Ҳазил ҳазил билан танишиб қолдик...	55
Дунёни қирқ марта дайдиб келаман...	56
Айрилигу ҳижрон нафратдан гўзал...	56
Сен эртамизни ўйлаб...	57
Йиглама, ўзимнинг фариштагинам...	57
Сочларинг савдоси ўлдирап Раъно....	58
Буни қандай...	59
Сизга қанча меҳрим берсам ҳам...	59
Дилда ўт ёшликми бу...	60
Бухороча муҳаббат	61
Рашку аразларингдан...	61
Севсанг, севмасанг...	62
Камалакнинг айвонларидан...	63
Жуда олисадсан етмайди кўлим..	63
Нигоҳларинг дарё, дарё...	64
На илож ўзгани танлабсан бугун...	65
Ҳар тонг..	65
Насибам	66
Дилрабо қаршингда...	66
Тилло узук	67
Ҳар бир гўзал	67
Кўзимда нима айб...	68
Менга...	68
Зар сандик	69
Кутмаган эдим сандан...	69
Шаббода майин эсса...	70
Бой куёвга бой келин...	71

Ижарада	72
Кимлар севиб куйдилар...	73
Юлдузни соғиндим...	73
Дарвешона	74
Оқ кабутар	75
Мен келдим, турибман останангда жим...	76
Эй дўстлар...	76
Хатолар....	77
Энди севмайман...	80
Онам мени дард билан түқсан...	80
Елкада юк кўпайдими Художон....	81
Дўстим...	82
Шикаст еб нодон дастидан	82
Ўзбекистон гуллагай...	83
Ким ўйлади, бу Ватани...	84
Мен ирмоқ эмасман...	85
Бухоро тўғрисида	86
Она тупрок	87
Шу ватан	87
Ватанфурӯш эмасман гарчи	88
Тирикчилик	89
Севидан кечмайдилар	92
Чаён чақса чақсан жойи кўринар...	92
Кимларнингдир кириб пўстига...	93
Баъзан дейман	93
Аёл	94
Тимур йиллаб кетса Ватандан йирок...	95
Аёлга не керак...	96
Бефарзанд аёл	97
Ўзбегимнинг тўйи	97
Қадаҳ	98
Туғилган кун	99
Тўйдан кейин	99
Бунча маюссан?	100
Сўра мендан азизам...	101
40x40	102
Дилдаги дард...	103
Кел...	104
Телефондаги сұхбатдан	105
Йўқсан, дийдорингни қўмсайвераман...	106
Киз бола...	106
Устозимга...	107
Китобим босмадан чиқди ниҳоят...	108

Аҳад ҚАЮМ

ЯНА СОҒИНДИМ, ЯНА...

Шеърлар ва қўшиклар

Адабий-бадиий нашр

Мухаррирлар: Бобур БОБОМУРОД ,
Ботиржон ЭРГАШЕВ

Тех.мухаррир: Гулнора САМИЕВА

Саҳифаловчилар: Миршод НУРИЛЛАЕВ,
Миразиз НУРИЛЛАЕВ

Мусаххих: Феруза БЕШИМОВА

Босмахонага берилди: 01. 02. 2010 йил. Босишга руҳсат
этилди: 06. 02. 2010 йил. Бичими: 60 x 84, 1/16. 6,8 босма
тобоқ. 2000 нусхада чоп этилди. Газета қоғози. Буюртма
№ 50. 112 саҳифа. Баҳоси: келишилган нархда.

«БУХОРО» нашриёти, Бухоро шаҳри, И. Мўминов номли кўча,
27-үй.

ХТ «Бобомуродов Эъзоз» босмахонасида чоп этилди. Бухоро
шаҳри, Ҳ. Шерозий кўчаси, 20-үй. Тел: (+99894) 487-88-88

«БУХОРО» НАШРИЁТИ-2010.

Инсон баъзан ўргадаги муносабатларни янгидан бошлишига тўғри келади, кечаги куннинг кераксиз ғавғоларини бугунга кўтариб олиб ўтиш шарт эмас...

Асаблар янги кунда янги ҳислар билан яшашни севади...

Сиз яшаятган умрни аввал ҳам кўпчилик яшаган, эътиборлиси шундаки уни СИЗ қандай яшаяпсиз...

Ўзгаларнинг айби билан ҳаёт йўлларида сиз адашгаň бўлсангиз ҳам, сизнинг айбингиз билан бошқалар адашишига асло йўл қўйманг, илтимос...

Икки кишининг ўргасидаги муносабатларининг қандай якун топишида кўпинча учинчи одам катта роль ўйнайди.

Ўша учинчи одамни яхши таниб олмасдан туриб, дўстингизни йўқотишдан эҳтиёт бўлинг...

Аҳад Қаюм